

zal o drie weken duren
en dan gaan we naar de
oceanus. Deze reis duurt
twee maanden en half. Dan
gaan we naar de Indische
oceaan. Daar blijven we
twee weken. Dan gaan we
naar de Chinese oceaan.
Daar blijven we een week.
Dan gaan we terug naar
de Indische oceaan. Daar
blijven we een week. Dan
gaan we terug naar Europa.
Dit kost ons twintig weken.



poetry
vanie

prole
root

62 8 12
52 6 12

or 8-11

dist. org.

Small Pot
1000.



Die Dresdner Hofbibliothek

GT. 15.

PUGNA
SPIRITUALIS.
SIVE
TRACTATUS
DE PERFECTIONE VITÆ
CHRISTIANÆ
OLIM EX HISPANICO IDIO-
MATE VARIIS LINGVIS
REDDITUS.



REIMPRESSUM
CRACOVIAE

TYPI SEMINARII EPISCOPALIS ACAD-
EMICI DIACE: A. D. 1780.



APPROBATIO

Librum hunc ad consequendam
Christianæ vitæ perfectionem
apprime utilem jam cæteris Ty-
pis evulgatum dignum, qui rursus
pro communi omnium commodo
lucem publicam adspiciat censeo

M. JOSEPHUS PUTANO-
WICZ S. Thæ. Dr. & Pfr.
Canonicus Cath: Plocen:
Coll: SS. OO. Præposituš
Librorum Censor.

mpp.

Datt: Crac: in Coll: Majori
Die 7. Martii A. 1780.





I.

PUGNA
SPIRITUALIS.
SIVE
DE PERFECTIONE
VITÆ CHRISTIANÆ.

CAPUT I.

Quibus in rebus perfectio Christiana consistat; & de quatuor ad eam obtinendam necessarijs.

DILECTE in Christo fili: si tibi curæ ac cordi est, sublimitatem Christianæ perfectionis assequi: ac cum Domino DEO tuo uniti, unusque cum eo spiritus effici (quo sanè nec utilius, neque præ-

A2 stan-

statius divinusq; ab homine
quicquam fieri excogitarique po-
test) scire te ante omnia oportet,
quibus in rebus perfecta spiritua-
lis vita consistat.

Sunt enim non nulli, qui ho-
rum consideratione debita negle-
cta arbitrantur perfectionem hanc
potissimum consistere in austeri-
tate vitæ, hoc est carnis castigati-
onibus, usu ciliciorum, ieunijs,
vigilijs, horumque similibus, a-
speris exercitijs, afflictionibusque
corporis.

Alij vero, præsertim fœmi-
næ, leviter sibi persvadent, se in
perfectione ista spirituali pluri-
mum profecisse, si multas quoti-
die preces recitent, Missas plures
audiant, frequenter confiteantur,
sacramq; Communionem accipi-
ant.

Sunt

Sunt & alij non pauci, inter hos etiam quidam Religiosi, in claustris degentes qui perfectiōnem hanc arbitrantur consistere in choro frequentando, in regularis silentij custodia, vita solitaria, reformata regulari disciplina, itaque aliis in illo, aliis in alio istiusmodi pio exteriori exercitio eam constituit: longè aliter quam se res habet. Tametsi enim exercitia illa exteriora pia, multum ad istam spiritualem perfectionem iuvent; non est tamen ea tota in istorum observatione constituta. Conferunt sine dubio ea exercitia, ut iisdem se prudenter occupans, facilius obtineat gratiam Spiritus sancti ad superrandam fragilitatem carnis suæ. Sed & muniunt hominem, argumentumque ei præstant adversus

inſidias atque incurſus communiſis, infeſtissimique hoſtis noſtri, ac tandem etiam profunt ad multa pietatis opera facilius feliciusque præſtanda; præſertim Tyronibus ſeu Novitijs in hac ſpirituali palearia.

Quinetiam iam exercitatis & confirmatis in illa ſpirituali palearia, afferunt fructus ſpiritus multiplices; qui corpus fuum propter ea affligunt quod DEUM creatorem fuum eo offenderunt: & ut illud ad fervitium DEI adsueſciant, Silent, etiam atque in ſolitudine vivunt, ut omnem peccandi occaſionem devitent, & abſque mundi hujus impedimentis tranquillius, feliciusque meditatiōnibus cæleſtibus vacare poſſint. Ad hæc devoti & attenti ſunt in diuinis officijs, exercent
ſe

SPIRITUALIS. 5

se frequenter in operibus Mari-tatis, in precibus, & frequenti facra Communione; non aliam ob causam, quam ob honorem ac gloriam divinæ Majestatis, & ut per sanctam charitatem Domino Deo suo uniri valeant.

Qui verò in istiusmodi exterioribus exercitijs quiescunt, in iisque suum finem constituunt; sèpè labuntur in gravia pericula salutis suæ: non quidem propter ipsa exercitia exteriora (quæ suaptè natura bona sunt & plurimorum sanctorum exemplis commendata:) sed quod dunt taxat attenti sint ad ista exteriora exercitia; hominem autem suum interiorem sinant naturalibus suis affectibus indulgere, & diaboli laqueis innecti. Nam ubi malignus ille hostis eos videt

PUGNA

in calibus exercitijs à recta via
aberrare; non solum finit eos
in ijsdem quietè, ac cum iucun-
ditate quadam pergere: sed &
habenas eis laxat; ut videantur
sibi iamiam velut in delicijs Pa-
radisi (quas pro vana f. a per-
fusione leviter imaginantur ac
singunt) obambulare, Deumque
in seipsis loquentem audire. Un-
de & in meditationibus suis cu-
riosis atque profundis absorpti
tantam quandoque svavitatem,
iucunditatemque experiuntur, ut
se putent à mundo, omnibusque
creaturis sejunctos, & velut ex-
tra se in tertium usque cælum
raptos.

Sed quām graviter hi omnes
semet decipient, quamque longè
à vera perfectione aberrent; ex
reliquā ipsorum vita haud diffi-
culter

SPIRITUALIS,

7

culter potest iudicari. Sunt enim ut plurimum homines singulares curiosi, & in vitam, moresque aliorum oculati censores, contraque eorumdem facta, murmurantes. Et cum ipsis aliquid errati obiicitur: vel à solitis suis exercitijs (quæ ex arida potissimum consuetudine factitant) nonnihil impediuntur: aut ordinaria eis communio negatur; confessim videris eos iracundia in censos, inquietos, desperabundos.

Quid si etiam Deus (ut eos ad veram sui cognitionem reducat) infirmitatem aut tribulationem quampliam eis immittat aut obvenire permittat (huiusmodi enim nunquam nisi divina annuente voluntate cuiquam contingunt, & sunt quasi lydius lapis quo fidelitatem servorum suo-

A5 rum

rum Deus probare solet) mox deprehendere licebit, quam falso in suis exercitijs corporalibus niantur fundamento, quam corrupta habeant viscera quantaq; in eis lateat superbia. Nolunt enim suā voluntatem, in oīnis generis eventis, prosperis pariter & adversis, promptè resignare, nec se ipos sub potenti manu Dei humiliare: Nedum ad humiliis at que afflīcti eius filij exemplum se omnibus etiam creaturis humiliter subjiciant, inimicos suos ut veros amicos, æstimantes & ut divinæ bonitatis instrumenta, cooperatoresque falatis ac veræ reformationis, mortificationisque ipsorum, colentes. Quod sanè evidens indicium est, gravissimi in quo versantur periculi. Corrupti enim sunt oculi mentis ipsorum,

ut

ut videntes opera sua extorta
(etiam si bona) mox nescio quos
perfectionis gradus sibi arrogent:
indeque in superbiam lapsi, alios
temerè iudicent atque despiciant,
nec est qui eos ad sanam men-
tem reducat, nisi Deus eorum
corda fortiter feriat, mentisque
tenebras lumine suæ claritatis
dispellat, ut laqueos quibus in-
nexi sunt, conspicientes, effugi-
um quærere possint: Facilius
namque convertatur magnus pec-
cator manifestus, quam simula-
tus iustus qui pallio virtutis la-
tentem iniquitatem celat.

Vides ergo, dilecte fili, sa-
tis manifestè: perfectionem spiri-
tualem in prædictis operibus ac
persuasionibus nullatenus confi-
stere. Scias autem in nulla re
alia eam positam, quam in vera

A6 cogni-

cognitione ineffabilis bonitatis & magnitudinis divinæ: & in nostræ vilitatis, miseriæ, nullitatis, affectumque nostrorum naturalium ad omnem malitiam propclivium, vera agnitione: Itemq; in vero odio nostrarum personarum, & amore Dei: tandemque in nostræ propriæ voluntatis absolute abnegatione, eiusdemque in divinam voluntatem resignatione. Scilicet ut homo se totum, non solum omnipotenti Dco, sed & propter ipsum omni etiam creaturæ subijciat: & hoc nullam aliam ob causam, quam ut faciat, quod placitum est coram Deo; cuius Majestati ut ab omnibus purè serviatur, omnisque honor laus & gloria tribuatur, longè dignissimum est.

Hæc est abnegatio illa,
quam

SPIRITUALIS II

quam Salvator noster Christus
sæpius inculcavit. Hæc est illa
vera obediencia, ad quam Dei
filius, verbo & exemplo, suos
fideles servos invitat ac dirigit.
Hæc est desiderabilis Crux, quam
fideles servi humeris suis impo-
nere, & sic Christum Dominum
suum sequi debent. Hæc illa di-
lectio, quam Dominus noster toti
mundo, discipulisque suis ut ami-
cis & filijs, tam frequenter &
præcipue post novissimam Cœ-
nam, pedumque lotionem, serio
demandavit.

Itaque dilecte fili, si sublimita-
tem tantæ perfectionis volueris
assequi; vim tibi facias oportet: &
studeas te ipsum in omnibus affe-
ctibus tuis, tam levioribus, quam
gravioribus, semper vincere, ani-
mumq; tuum ad hanc pugnam di-

ligeanter instruere atque armare.
Etenim corona huius certaminis,
nulli datur, nisi legitimè ac
strenuè certaverit.

Sicut enim inter omnia cer-
tamina hoc (de quo agimus)
maximum ac difficilimum est:
ita & victoria ex eo reportata
longè gloriofissima gratissimaque
Deo est: adeò ut si inordinatos
tuos affectus, etiam fævissimos,
superaveris, conculcaveris, mor-
tificaveris, excideris; multò gra-
tius obsequium Deo præstiturus
sis, quam si eis nenlectis ultro
teipsum usque ad sanguinem fla-
gelles, vel more antiquorum
arctissimè ieunes, aut multa in-
fidelium vel peccatorum millia,
ad fidem Christi; pœnitentiamque
convertas: Tametsi enim Domi-
nus Deus noster, conversionem
anima-

animarum plus amat, quam propriæ voluntatis tuæ in levioribus rebus ab renuntiationem; nihilominus hoc te solum ac præcipue velle agereque oportet, quod ipse abs te vult fieri. Atque sine dubio plus Deo placebis si te ipsum in mortificatione tuorum affectum ferid oceupes; quam si eum inordinato aliquo affectu, etiam ingentia, ac quanta fieri possunt negotia, præstes.

Cum ergo, dilecte fili, intelligas quibus in rebus perfectio Christiana consistat: & quod ad eamdem obtainendam te in continua ac gravi pugna semper victorem esse opporteat. Par est ut tanquam strenuus miles Christianus te quatuor rebus veluti armis necessarijs munias quibus in hac spirituali palæstra visor evadas.

- Scil.*
- 1. Diffidentia de teipso.
 - 2. Confidentia in Deo.
 - 3. Jugis exercitatio.
 - 4. Devota oratio.

De quibus armis, auxiliante
Deo, deinceps ordine, breviter-
que tractabimus.

C A P U T II.

De diffidentia suiipsius.

Diffidentiam tuiipsius , tribus
medijs tibi comparare pote-
ris: quorum primum, ut agno-
scas, verè intimeque consideres
extremam vilitatem ac miseriam
tuam: simulque apud te certò sta-
tuas, nihil prorsus te boni ex te-
ipso facere unquam posse. Etenim
homo ad faciendum opus bonum

ac

ac meritorium apud Deum ex seipso, non aliter impeditus est (ut ita dicam) atque grandis lapis ad motum sursum. Et eandem prope inclinationem habet homo ad malum, quam grandis lapis deorsum ad terram.

Alterum medium est, ut hanc tui diffidentiam, quoniam filius Dei donum est, humilibus & ardentibus precibus ad ipso efflagites. Sed prius apud te statuas vereque agnoscas oportet, te eadem prorsus destitutum esse, nec umquam per te ipsum eam posse acquirere; ut sic totus nudus, fide constanti ad Deum accedas: beneque speres ipsum orationem tuam benignè exauditum, & quam optas tui ipsius diffidentiam, copiosè largiturum. Oportet tamen orationem hanc de

de cœle in diem fieri ardentiorem:
atque in eadem perseverando
æquanimiter expectare, donec di-
vinæ providentiæ placitum sit,
istam tibi tuijpsius diffidentiæ
gratiam clèmenter tribuere. Hoc
si feceris, nihil dubites, eam te
aliquando consequuturum.

Tertium medium, ut si quan-
doque lapsus fueris in peccatum,
protinus mentis tuæ oculos, ad
iam dictam vilitatem, miseriam,
& ad faciendum bonum impo-
tentiam tuam convertas. Nisi
enim eam intimé in te agnoscas.
sinceréque consitearis, numquam
à lapsibus securus eris.

Quicumque enim se cum
increata veritate uniri desiderat,
huic suijpsius vera intimaque
cognitio omnino est neceffaria.
Deus quippe homines superbos ac
præ-

præsumptuosos finit quandoque in grave aliquod peccatum incidere; ut ad propriam vilitatem, fragilitatemque suam agnoscendam eos flectat ac deprimat. Et quantò cuiusque superbia maior minorue fuerit, tantò gravius etiam aut levius eum Deus labi permittit: usque adeò, ut si nulla in homine superbia (sicut in Deipara Virgine MARIA) esset, nunquam eum Deus in peccatum labi permitteret.

Propterea mox ubi in peccatum aliquod lapsus fueris, festina cogitationibus tuis ad humilem agnitionem tuijpsius, & ardentibus precibus incessanter Domino Deo tuo supplica, ut verum tuæ menti lumen infundat, ad agnoscendam infirmitatem, miseriamque tuam: sic te deinceps

ceps à gravioribus lapsibus benignè servare atque defendere dignabitur.

C A P U T III.

De confidentia in Deo.

Est quidem in hac pugna spirituali, dissidentia sui ipsius vehementer necessaria, & longè utilissima, ut dictum est: nihilominus si ea sola instructi in aciem ingressi fuerimus, mox aut victi succumbemus, aut turpi fuga elabendum erit. Quamobrem suscepta tui ipsius dissidentia, mox ad Dominum Deum tuum confugas, & pia conscientia ipsi supplicans, omne bonum & auxiliū ab eo patienter expecta. Quia in re etiam tria te servare oportet.

Primo

Primo namque auxilium tale ab ipsis Domini tui summa maiestate humilibus ardentibus que precibus instanter petendum est.

i. Deinde frequenter oculos mentis tuos ad ipsum convertens, intimè contemplaberis eius omnipotentiam, infinitamque Sapientiam: ut cui nec impossibile quidquam sit, neque grave: Cuius bonitas immensa ac interminabilis, quæ ineffabili desiderio semper parata ac prompta est, cuncta nobis copiose largiendi, quæ ad spiritualem vitam, atque ad victoriam ab hostibus reportandam, sint necessaria & utilia.

Quomodo enim fiet, ut divinus ille ac optimus Pastor, qui post perditam ovem, totos trigita

ginta tres annos anxietate maxima cucurrit: eamque magnis, multisque clamoribus usque ad raucedinem, ad se revocavit: itemque per salebrosam ac spinosam viam ita quæsivit, ut sanguinem etiam suum propterea sundere, vitamque amittere debuerit: quomodo fiet, inquam, ut is benignissimus Pastor, suos misericordes oculos, ab ove illa perdita iam ad ipsum clamante, Pastoremque suum anxiè quærente, avertat auresue suas benignas ad eius clamorem obturet. Quomodo, quæso, promissionis suæ oblitisci poterit, ut eam non suscipiat in humeros suos, festumque exultationis cum Angelis suis in cælis. super ea reducta non celebret?

Aut quis umquam credat,
Domi-

Dominum Deum nostrum, qui magno desiderio cupit habitare in cordibus nostris, in iisque nobiscum convivari: & ad distribuendos suos cælestes thesauros, ianuam cordis nostri continuo pulsat: eum. velle aures suas occludere, suumque accessum negare, tunc cum homo iam cor suum ipsi aperit, ipsumque ad convivandum in eo, humillimè ac enixissimè invitat?

Tertiō ad acquirendam confidentiam in Deo solo, requiritur frequens meditatio veritatis sacrarum Scripturarum: quæ multis in locis manifestissimè nobis testantur, quod confidentes in Domino Deo nostro, numquam confusi sint.

Est præterea adhuc modus
alius

alius, quo & sui ipsius diffiden-
tiam, & in solo Deo confiden-
tiam homo potest acquirere:
Scilicet, ut in omnibus ope-
ribus tuis, priusquam aliquod in-
cipias, te ipsum cogitationibus
tuis ad considerationem tum
fragilitatis tuæ, tum omnipoten-
tiæ bonitatisque Dei convertas:
dein operari incipias.

Hunc ordinem nisi in ope-
ribus tuis diligenter observave-
ris, sœpè deprehendes te dece-
ptum, cum putares te cum ma-
gna in Deum confidentia opus
suscepisse. Quia præsumptio at-
que superbia tantopere adhæ-
rent ac infixæ sunt homini, ut
in tota vita sua ab ijsdem vix
expurgari valeat. Sie ergo a-
ctiones tuas ordinabis, ut con-
sideratio fragilitatis, vilitatisque
tuæ,

tuæ, simul & divinæ omnipotentiæ, ad te iuvandum promptissimæ. opus ipsum antecedat.

Præterea attende sedulò nē te ipsum decipias: sāpe enim tibi videbitur, te diffidentiam tui ipsius & confidentiam in Deo iam affecutum esse: cūm tamen adhuc longè aliter affectus sis. Quod ex tui animi motibus, si quandoque labaris, facile cognosces. Nam si lapsus, in te tristitiam ac inquietudinem excitat, atque de progressu bonorum operum te velut desperare faciat: evidens signum est te in teipso solo, & non in Deo confidere. Et quantò hæc in te ipso confidentia ac desperatio maior, minorue fuerit: hoc quoque maior, minorue in te erit tua de teipso diffidentia, & in Deo so-

lo confidentia. E contrario, si veram de teipso diffidentiam, & in Deo solo confidentiam in te habueris; non magnoperé miraberis lapsus tuos, non multum propterea tristaberis, neque anxius eris: quoniam agnoscis illos ex tua fragilitate contigisse: proptereaque non minuent in te confidentiam in Deum solum. Irasceris quoque tibi propter eosdem lapsus corde contrito, non ob aliam causam, quam quod Dominum Deum tuum offendisti. Hæc agens, diffidentiam de teipso magis ac magis in te excitabis, & confidentiam in Deum simul augebis: unde pa latim in te accendetur vehemens zelus, obtinendi in suscepta spirituali pugna victriam, omnesque hostes tuos usque ad

ad interencionem persequendi.

Quod equidem vellem quofdam homines spirituales diligenter attendere; qui cum aliquando in defectus incident valde impatientes redduntur. Ideoque nec quiescunt, donec ad Patrem suum spiritualem seu Confessarium veniant, ut suæ potius anxietatis quodpiam solatium accipient, quam ob alias pias a rectas causas: cum tamen ad eum ideo solum deberent accedere, ut à commissis peccatis per absolutionem expurgarentur: & per sacræ Communionis sumptionem, spirituale quoddam robur contra hostes suos acquererent.



CAPUT IV.

De exercitatione: Et primum de intellectu: Et quomodo ab Ignorantia et Curiositate custodiendus sit.

IUvant quidem multum in pugna spirituali, dissidentia sui ipsius, & in Deo solo confiden-
tia; ut hactenus ostendimus at sola non valent ad obtainendam victoriā. neque ad firmam ho-
minis à lapsibus custodiam. Id-
cireo præter ista duo, ad pugnam
hanc etiam necessaria est EXER-
CITATIO, quam superius tertium
genus armorum spiritualium sta-
tuimus.

EXERCITATIO autem hæc po-
tissimum consistit in recto ac pio
usu intellectus & voluntatis ho-
minis.

Et

Et primū quidem intellectus sedulò custodiendus est à malis duobus: Ignorantia, & Curiositate. Ab Ignorantia, quod intellectum oporteat esse purum ac lucidum, ut cognoscamus quae nobis ad superandas passiones affectusque nostros sint necessaria.

Lumen autem quo intellectus ad ista cognoscenda illustratur, duobus medijs acquiritur. Prius ac præcipuum est oratio: ut intimis suspirijs invoces aores Spiritum Sanctum, pro infusione luminis huius in animam tuam.

Posteriorius est quotidiana exercitatio, ut omnes res, actiones atque negotia tua accuratè profundèque consideres: non solum secundum exteriorem aspectum,

sed potius in seipsis verè ac intimè. Nam si in hac consideratione te aliquandiu sedulò exercueris facile deinceps intelliges quæ res & actiones bonæ aut malæ sint: quæ item verè bonæ, & quæ exterius duntaxat apparet eſſe bonæ. Et hæ quidem posteriores, multa ac splendida bona foris promittant sed nihil re ipsa præstant, nec ullam menti nostræ quietem afferunt.

Quamobrem, dilecte fili, attende diligenter ad ea quæ tibi iam sum dicturus: multum enim te ad feliciter pugnandum iuvabunt. Itaque ut naturam ac proprietates rerum omnium quæ nobis quotidiè occurruunt, rectè intelligas, fac sedulò ut voluntatem tuam puram ac liberam serves ab omni motu, affectu ac aniore,
qui

qui non diriguntur in Deum aut
in media quæ adducunt ad eum.

Nam ut intellectus bonum
à malo rectè queat discernere,
necessæ est ut id faciat priusquam
voluntas aliquod eorum eligat
vel reprobet. Tunc enim adhuc
purus est, ut haud obscurè possit
cognoscere quid bonum verè sit,
quidue malum Posteaquam au-
tem voluntas in rem aut opus
quodpiam consentit: mox impe-
ditur intellectus, ut istud verè
cognoscere non possit: voluntatis
quippe consensus interveniens,
rem aut opus istud usque adeò
involuit atque obscurat: ut intel-
lectui longè melior atque splendi-
dior foris appareat, quam reve-
ra sit. Et si eam sic voluntati
repræsentat, fit ut maiori desi-
derio eam prosequatur atque
per-

perquirat, sive in seipsa verè bona, seu mala fuerit. Et quanto voluntatis desiderium aut amor ardenter est, tanto crassius intellectum obnubilat: Is deinde sic deceptus, voluntatem ad eandem rem magis amandam invitat. Unde accidit ut hæ duæ præcipuæ potentiae in hominis anima, tantopere decipientur ac seducantur, ut subinde ex his tenebris, in alias, & ex hoc errore in graviorem dilabantur.

Proinde diligenter caveas, né rem aut opus quodpiam appetas amesque, nisi prius adhibitis, intellectus examine, & oratione, ad Deum pro gratia illuminationis, ad istud verè cognoscendum, sitne bonum an malum. Atque hoc non solum in omnibus alijs rebus, operibusque faciendum, sed & in

piis

pijs ac sanctis quia licet hæ posteriores in seipsis bonæ sint; potest tamen contingere, ut propter circumstantias temporis, loci, multitudinis, aut obedientiæ, tibi bonæ non sint. Unde fæpe factū, ut multi suorum laudabilium piorumque laborum, grave passi sint naufragium.

Intellectum tuum etiam diligenter continebis à curiositate; ne quid hauriat, quod te ab obtinenda in hoc prælio victoria impeditat. Curiosa enim disquisitio rerum terrenarum, quæ tibi necessariæ non sunt, Venenum est animæ, etiamsi quandoque permisum sit eas scire. Contineas ergo intellectum tuum quantum poteris, & coneris eum reddere insipientem. Novitates mutationes in mundo magnas aut

aut exiguae; si ad te nihil attinent,
animo exclude. Et quoties ea au-
dire aut spectare oportet, semper
in voluntate ijsdem contradicito.

Quinetiam in cognoscendis re-
bus cælestibus, humilem te sem-
per ac sobrium exhibe: neque ali-
ud quidquam scire desideres, quā
Christum tuum crucifixum, eius-
demque vitam & mortem Reliqua
autem omnia abs te repelle: sic
facies Domino Deo tuo obsequi-
um gratissimum quoniam ipse
inter amicos optimos numerat e-
os qui nolunt scire plura, quam
quæ eis necessaria sunt ad dili-
gendarum ipsius immensam boni-
tatem, & seipso odio habendos.
Quoniam in omnium aliorum
rerum notitia inquirenda, latet
proprius amor, & quædam per-
niciosa superbia.


Si

Si ergo te ab his diligenter custodieris, multas hostium tuorum insidias effugies Etenim malignus ille spiritus attendens constantem voluntatem eorum, qui ad spiritualem perfectionem contendunt, ita ut non possit eos in aliquod peccatum adducere: calide struit initio insidias intellectui ipsorum, ut paulatim in ipsum pariter & voluntatem obtineat imperium. Scilicet his qui docti sunt ingenioque polent; suggerit sublimes atque subtile cogitationes, ut se iam putent cum Deo unitos esse; atque sic obliviscantur sibi ipsorum, nihilque cogitent de emanatione conscientiarum, de propriæ voluntatis resignatione. Et hinc incident in laqueos superbie, fabricantque sibi in intellectu,

lectu suo quodpiam velut Idolum propriæ sapientiæ, in cuius consideratione tantopere se suis cogitationibus involunt, ut aliorum consilijs se nullatenus indigere iudicent.

Huiusmodi sanè homines in gravi versantur periculo, difficulterque curari possunt. quod superbia intellectus pericolosior multo fit quam voluntatis. Nam qui sola voluntate, superbit, is non omittit obedire quandoque, quia aliorum iudicia præfert suo, æstimatque meliora. Qui autem superbit intellectu, atque apud se statuit, suam sententiam meliorem esse sententijs cæterorum, quis eum emendare poterit? Nunquam enim se submittet sententiæ aliorum, dum putat se rectius sapere illicis.

lis. Quippe si intellectus (qui animæ oculus est, quo superbiam in ea latentem, videre debet atque corrigere) ipsemē cæcus, omnique superbia plenus sit: quis eum umquam emendare poterit? Si lumen ipsum tenebræ sunt, ipsaque regula curva est, intelligis facilè quid inde sequatur, & quis eorum finis futurus sit. Tempestivè ergo te huic superbiae oppone antequam occupet intima tua; & noli intellectui tuo habenas laxare, sed subiecte eum consilijs, iudicijsque aliorum: & sias apud te ipsum stultus propter amorem Dei: sic eris sapientior ipso sapientissimo rege Solomon.



C

CA-

CAPUT V.

*De voluntate: deque fine in quem
omnes actiones nostras debe-
mus dirigere.*

Dilecte fili, si optas unus cūm Deo fieri spiritus, non sufficit pia promptaque voluntas quodlibet bonum faciendi: nisi à Deo excitatus atque adiutus, totum quod agis, etiam ad beneplacitum honoremque ipsius retuleris. Qua in re nobis multum certandum est cum natura nostra, quæ in omnibus actionibus, omissionibusque nostris; proprium suum commodum aut complacentiam quærít, præfertim in bonis spiritualibus. In his enim vel maximè seipsum gestit quærere. Unde si ei quodpiam bonum,

num, ad Dei bene placitum accommodatum proponitur; promptè quidem illud agendum suscipit; at non propter ea quod placeat Deo, aut ab ipso proveniat sed quia novit utilitates ac commoda quæ contingunt homini facienti voluntatem Dei.

Quamobrem ut ex hoc, dia-boli laqueo te extrices, eumq; deinceps, tamquam perniciosum impedimentum in via perfectio-nis sedulò caveas; atque pau-latim adfvescas omnia agere aut omittere quòd Deus sic iubeat: eaque sola intentione, facias, ut ipsi placeas, (qui omnium actio-num nostrarum initium & finis esse debet.) Idcirco ad ea, quæ tibi iam dicturus sum diligenter attende.

Si occurrit tibi quidpiam
C2 facien-

faciendum, quod divinæ voluntati congruit; non antea voluntatis tuæ consensum ad illud faciendum adhibebis, quām intellectum tuum in Deum intenderis? indeque manifestè cognoscas, esse Dei voluntatem ut illud facias: & esse quoque voluntatem ipsius, ut id facias dumtaxat propter ipsius honorem ac beneplacitum. Quodque voluntas tua à divina eò moveatur, ut istud opus hac intentione & causa sola facias quod ipse Deus sic velit, propter honorem ac gloriam suæ sanctissimæ Majestatis.

Similiter si quid per voluntatem tuam vis omittere aut repellere tamquam inconveniens divinæ voluntati, non statues illud apud te, donec oculum intellectus

lectus (ut modò declaratum est)
in Dei voluntatem direxeris.
Deinde observa te ipsum diligenter
ne decipiaris: quoniam vide-
beris tibi sèpè hoc, illudve age-
re aut omittere propter volun-
tatem ac beneplacitum Dei: cùm
aliud in te lateat. Natura enim
nostra adeò occultè seipsam, in
nostris studijs & acti nibus quæ-
rit: ut quæ putas tibi ob foli-
us Dei amorem placere aut di-
splicere: in ijsdem potius tuam
utilitatem solùm spectes.

In principio itaque omnium
actionum tuarum exclude ac re-
pelle abs te quatenus poteris o-
mnem intentionem, cui aliquid
privatae utilitatis admixtum est:
nec agere aut omittere quidquam
incipias donec interius in ani-
mo tuo cognoscas, solam Dei
volunta-

voluntatem ac beneplacitum te
movere & impellere, ut opus
istud aggrediaris atque perfici-
cias.

Si autem otij ac tempori-
ris tantum habere non possis,
ut ante unumquodque opus fa-
ciendum, hujusmodi intentionem,
causasque moventes in te
excites ac ponderes: cura saltem
ut quando per diem dabitur oc-
casio, huiusmodi intentionem
in te fuscites: scilicet. quod in
omni actione & omissione tua,
solius Dei beneplacitum, hono-
remque spectare velis ac quæ-
rere. In negotijs autem quæ ali-
quam temporis moram postulant,
intentio ista omnipotè & expresse
ante principium eorum debet
animo concipi. Quinetiam in
negotijs quæ aliquandiu durant,

isthæ

isthæc intentio à principio usque ad finem aliquoties iteranda est; ne post initium, alia fortasse intentio in animum tuum tacitè irrepat: utque sic effugias occultas fraudes naturæ tuæ, quæ nimium prona est ad quærendum commoda sua: adeò, ut tametsi bona, puraque intentione opus cœperis; ipsa tamen in operis medio istam tuam intentionem bonam invertat, & seipsam: id est, pro honore Dei, suam quærat utilitatem ac honorem.

Omnis ergo Dei servus; qui in hac difficulti pugna non egredit vigiles excubias, sæpe opus bonum incipiet, cum intentione implendi voluntatem Dei, iuxta ipsius divinissimæ Majestatis beneplacitum. Sed postea,

priusquam animadvertisat, opus istud ipsi tantopere propter se ipsum placere incipit; ut voluntatis gloriae ac honoris Dei prorsus obliviscatur. Sensim quoque à proprijs oblectationibus, commodis, honoribus (quæ ex isto opere percipit aut expectat) usque ad eò conturbatur, fascinatur, abstrahitur; ut si Deus ipsum aut per infirmitatem, aut per homines, aut modo quocumque alio ab istis privatis commodis impedit, protinus vehementer conturbetur, tristetur, inquietus reddatur: valdeque difficulter se ipsum revocare possit, ut redeat ad primam intentionem suam, faciendo quod Deus iussit pro ipsius feliciter honore ac gloria.

Quam quidem intentionem valde sollicitè custodies in omnibus

bus actionibus & omissionibus tuis. Vix enim credas quantum roboris, virtutis ac meriti ea afferat. Nam minima quoque & quantumlibet vilia opera, hac intentione (ut placeant Deo propter honorem nominis sui) ab homine facta; plus apud Deum valent atque merentur, quam maxima quæque opera sine hac intentione præstata.

CAPUT VI.

*De duplice voluntate in homine:
Et earum continua inter se
pugna.*

Scire oportet te, dilecte fili,
duas in nobis esse voluntates:
alteram rationis, quæ rationalis,

& superior voluntas dicta est: alteram sensualitatis, quæ dicitur sensualis ac inferior voluntas. Itemque sensualitas, appetitus, concupiscentia, caro, passio, & alia his similia.

Et licet utraque hæc voluntas in homine sit; tamen cùm ob solam facultatem rationis homines dicamur ac simus, numquam aliquid voluisse dici, haberique debemus: quod sola sensualitas appetit donec superior voluntas nostra quæ cum ratione coniuncta est, in istud consentiat, ac pariter velit.

Ex hac varietate oritur univerfa nostra spiritualis pugna. Nam cùm superior voluntas nostra ac ratio, media sint inter voluntatem Dei, quæ supra eam est, & sensualitatem, quæ sub

sub ea est, ipsamque indesinenter ad malum tentat ac allicit: Idcirco utraque & Dei voluntas, & sensualitas nostra, contendunt voluntatem nostram ad suas partes pertrahere, & nunc quidem illa, nunc hæc eam sibi subiucere & obedientem reddere molitur.

Nihilominus omnibus hominibus, qui aut virtutibus verè sunt prædicti, aut ē contrario in peccatis suis perseverant; pugna ista haud difficilis accidit: Qui enim virtutibus sunt prædicti, hi post quam Dei voluntatem intelligunt, mox eidem consentunt, obmurmurantemque sensualitatem compescunt. Impij autem contra sensualitatis suæ appetitum sequuntur, & contradicentem voluntatem Dei non audiunt.

diunt. Sed illis qui hactenus quidem peccatis fuerunt dediti, nunc autem ea deferere, atque à mundi & carnis suæ delicijs, (ut deinceps in amore ac cultu Dei & Domini nostri Jesu Christi, vitam piè transigere queant) semet proponunt segregare: pugna hæc (maximè in principijs) satis difficilis accidit. Quoniam interior inspiratio ac pulsus, quem ipsorum ratio supernè a voluntate Dei suscipit: & graves contradictiones seu motus adversantes, vel tentationes, quas infernè à sua sensualitate debet tolerare; utrinque tam potentes sunt, ut ratio inde in graves redigatur angustias.

Nemo autem se feliciter pugnare arbitretur, Deoque dignè fer-

servire, nisi probè instructus ac
paratissimus sit ad æquanimiter
tolerandos omnes dolores, quos
ob derelictas priores suas volu-
ptates transitorias perniciofas-
que in seipso experitur. Ete-
nim inter alias hæc præcipua
causa est, cur multi ad perfectio-
nem veram non perveniant,
quod doloribus, quos in principio
conversionis suæ & derelictio-
nis pravorum affectuum ac de-
sideriorum, in seipsis præter
spem sustinent; nolunt resistere,
nec contra eosdem (quod more
truculentorum militum per insi-
dias ipsos invadant) rationis
gladio volunt pugnare; sed po-
tius miserè turpiterque dant ter-
ga, armaque abijciunt, & in ho-
stium manus, durius deinceps tra-
ctandi denuò se vinctos tradunt.

Et hinc deprehenditur quidam valde periculosus, nec minus perniciosus dolus, quem per pauci animadvertisunt. Multos enim videre liceat, qui dum vitam spiritualem inchoant; seipso plus aequo diligentes, initio actiones suscipiant quae ipsis praे alijs gratæ sunt: cum potius hanc vitam inchoare deberent à notitia naturalium affectuum ac desideriorum sensualitatis suæ: primumque contra ista certamen subire ac prosequi, donec rationis imperio ea penitus, quatenus in hac quidem vita fieri potest, subiecissent.



CA-

C A P U T VII.

De pugna contra affectus sensualitatis: deque interiori exercitatione voluntatis ad comparandas virtutes.

QUotiescumque ab appetitu sensualitatis tuæ te sentis tentari, conseilim animum tuum vertas ad Deum, qui te sic excitat: quantumque vales repugna. Ut autem in hac pugna contra sensualitatem tuam vitor evadas, varijs modis contra eandem te instrues.

Primò mox ubi tentatio à sensualitate exurgit, fortiter eam repelles, ne superior voluntas seu ratio, in eam consentiat.

Deinde eum aliquam talem temptationem sic superaveris atque

que reieceris, denuò cāndem in te suscites, & pari fervore ut antea eam repellas. Idemque fac iterum, iterumque: ut toties maiori zelo cāndem abomineris repellas, atque contemnas. Et hunc conflictum suscipies cum omnibus temptationibus, affectibusque inordinatis Sensualitatis tuæ, præterquam cum carnalibus: de quibus, dicemus inferius suo loco.

Postremò assūmes tibi exercitia virtutum illarum, quæ temptationibus vitiorum istorum adversantur. Verbi gratia. Tentaris ab impatientia: cumque mentem tuam ad interiora revocaveris, apertè cognoscēs, temptationem hanc impatientiæ incessanter pugnare, contendereque cum voluntate superiori seu ratione

tione tua, ut eam pugna deter-
reat, & ad consensum pelliceat.
Propterea tantò pertinaciùs ratio-
nis tuæ virtute eidem tenta-
tioni contradices ac repugna-
bis, ne in eam consentiat: at-
que ab hoc labore repugnandi
non desistes, donec hostem in
te senseris devictum, ac tibi iam
in captivitatem traditum.

Sciendum tamen est, hostem
nostrum, cùm nos huiusmodi pas-
sionibus ac desiderijs constanter
viderit rebellare, perfida callidi-
tate ab ijsdem suggerendis non-
numquam desistere: Quodque am-
plius est, si eas quandoque in no-
bis fuscitas conspiciat, mox i-
terum supprimit, ne si frequentiùs
rationis beneficio contra easdem
dimicaverimus, istas nobis virtu-
tes comparemus, quæ huiusmodi
passionibus sunt contrariæ.

Quamobrem cautum te esse
oportet, ne occasio acquirendi
virtutes, in te negligatur. Si ergo
cum hoste inducias statuisti, &
iam apud temetipsum quietus es;
revoca tibi ipsi in memoriam
tentationes iam superatas & ex-
clusas: simulque & cogitationes
malas quas ante illud tempus ha-
buisti, in te instaura, atque er-
ga easdem sic te geras, ac si con-
sentire, ijsque victoriam velut
concedere velles: simulque dili-
genter attendas quænam argu-
menta, quasue rationes hostis
malignus tibi suggerat, ad quod
malum te instiget, & quomodo
eius pravis suggestionibus apud
te cogites morem gerere. Cum-
que inter hæc senseris cordis
motus in te ascendere & augeri:
cogitationesque malas iam pro-

pè

pē tibi dominari; adeò ut & ratio ipsa quasi consensisse videatur; tunc pedem mox retrahē, & magna vi fuscita in te cogitationes bonas, istis malis contrarias, & quidquid hæ tibi mali suggererunt, audacter pernega. Et huiusmodi conflictum ultrarumque cogitationum, toties, tainque diu in te renoves, donec sentias te iam totum teipsum viciſſe,

Sed præterea sciendum, etiam si hostes noſtrōs fortiter pugnando; quod pium, iustumque est, superaverimus: nondum tamen nos ab eis securos esse, donec odio perfecto eos oderimus. Quod odium contra eosdem ut in nobis excitetur, crescat, perficiatur: oportet eos, id est noſtrōs pravos affectus iterum iterumque in

in nobis suscitare, & ad certamen provocare, ut subinde cum maiori indignatione ac tradio spiritus eos repellamus & abominemur, donec verum ac constans odium erga eosdem in nobis experiamur.

Ut vero animam tuam etiam ornare possis virtutibus, non sufficit te cum praedictis exercitationibus spiritualibus pugnare contra passiones, affectusque malos; sed oportet te quosdam etiam affectus bonos & exercitia virtutum, ijsdem passionibus contrariarum suscipere, in ijsque sedulo, frequenterque occupari. Hoc ferè modo. Si quis tibi causam dedit impatientiae: non fat erit impatientiae motus, iuxta præcedentem doctrinam superrare ac repellere; sed optare quoque

que debes ac petere, ut ab eadem persona, quæ tibi molestiam intulit denuò eodemque modo sæpius turberis: quinetiam teipsum compelles, ut molestiam istam gratam habeas: propositumque concipies huiusmodi molestias plures, ac graviores deinceps sustinendi. Quodque his amplius est, etiam coges te, ut cum ea persona, quæ tibi molestiam, è qua ad impatientiam concitatus es. intulit: amanter, favaviterque loquaris; eique in omnibus gratificandi, inserviendoque promptitudinem deferas.

Ac licet huius modi exercitationes tibi valde difficiles fuerint, tamque frigidè abs te præstari videoas, ut ipsem et deprehendas, eas contra voluntatem tuam à te fieri, nullatenus
tamen

tamen eas intermittes. Quanquam enim difficiles tibi sint, conservant te tamen fortem & audacem in prælio; viamque parant ad victoriam.

Præterea attende tibi diligenter, ut non solum contra graves ac vehementes tentationes contraque manifesta scelera sic pugnes: sed & contra quaslibet levissimas, minimasque inordinatas passiones ac motus. Hi enim istis gravioribus fores aperiunt, viamque sternunt, ut nos incautos invadant, & ad pessima quæque vitia solicitent. Contingit enim his, qui levioribus motibus seu temptationibus ad vitia, negligenter resistunt, ut postea frequenter & ex improviso ipsos invadant multò graviores tentationes & impetuosiùs quidem quam umquam antea.

Tan-

Tandem quoque tibi pugnandum est contra affectus & desideria rerum licitarum, honestarumque, quas scis tibi non esse necessarias. Inde enim & exercitatio redderis in palæstra hac spirituali; & gratum Deo præstabis obsequium.

Dilecte fili, aperte tibi nunc dico, si iuxta præscriptos modos teipsum in hac spirituali pugna exercitaveris, futurum brevi, ut adiuvante gratia Dei, totus spiritualis efficiaris.

Reliquas verò exercitaciones, etiamsi, tibi laudabiles videantur, tantaque cum suavitate ac dulcedine mentis abs te fiant, ut iam putas te cum crucifixo tuo Domino Iesu Christo familiariter velut colloqui: velim tamen tibi persuadeas, numquam istas

istas delectationes te iuvare ad consequendam perfectionem spiritus.

Nam sicut vitia in nobis inde originem trahunt, quod superior voluntas seu ratio nostra, inferioribus affectibus sensualitatis morem gerit atque indulget: Ita è contrario generantur in nobis Christianæ virtutes, si voluntatem nostram sæpius divine voluntati submittimus, eique morem gerimus ac obtemperamus.

Et sicut voluntas nostra non potest bona, Deoque placens esse, (quantumcumque bonas ac sublimes inspirationes à Deo accipiat, & ab eius voluntate ac gratia ad faciendum bonum impellatur) nisi eisdem Dei operationibus in se consentiat: ita & eadem voluntate

voluntas nostra numquam potest dici mala & aliena à Deo (quantumcumque graviter ac diu à sensualitate tentetur, turbetur, impellatur) nisi eidem consenserit.

CAPUT VIII.

*Quid faciat, cui videbitur superior
voluntas sua seu ratio, ab inferiori
voluntate seu sensualitate, iam de-
victa, eidemquè omnino subiecta.*

Dilecte fili, si tibi nonnumquam videatur voluntas tua superior seu ratio, in pugna contra sensualitatem tuam nihil efficere; quod nullum efficacem motum contra prauos affectus in te deprehendas; noli turbari, sed viriliter persiste, constanter pugnare ne cesses. Nam quamdiu ratio tua

D

se

se à consensu im istiusmodi affectus sensualitatis tuæ cohibet: tamdiu tu hostibus superior es in prælio, melioraque eis obtines.

Non enim tibi necessum est, ut omnes affectus ac motus sensualitatis in te, rationis tuæ imperio mox acquiescant: nec in hoc nostra consistit victoria, ut nullos prauos motus sensualitatis in nobis sentiamus, sufficit autem quod ratio ac voluntas nostra (quantumcumque sensualitas inordinatis motibus suis in nobis sœviat) semper possit facere & omittere, tractare, velle ac desiderare quodcumque, quando, quomodo, quoties, & ex causis quibuscumque voluerit, Quinimò nec diabolus ipse, neque mundus totus voluntatem hanc nostram umquam cogere possunt,

Et

Et licet nonnumquam eveniat ut hostes tui ex improviso & cum tanto impetu ac violencia in te irruant, adeò ut ratio tua tempus non habeat, cogitationes ac exercitia pia, quæ istis violentis motibus repugnarent; in seipsa fuscitare: tantum tunc utere lingua tua, & dic: Non, non credo tibi, Nolo te, Non consentiam tibi in hoc in æternum. Sic, inquam, te tunc geras, sicut qui ab hostibus suis exterioribus ex improvisa obruitur Is enim cùm se capulo gladij tueri non potest, resilit aliquantulum ut locum & tempus habeat, gladium suum evaginandi, & hostem cuspidetur. Resilias ergo & tu, ut habeas tempus agnoscendi vitalitatem tuam; videlicet quod ex teipso nullatenus possis superare

rare: simulque spem atque fiduciam omnem collocandi in Deum qui potest omnia. Atque tunc validum ictum hosti inflige, dicens: *Domine adiuva me. O Deus meus succurre misero mihi. O Jesu. O Maria, dignissima mater Dei, fer opem periclitanti.*

Et si quid temporis haberas reliquum, poteris voluntatem tuam, ne vincatur, intellectu tuo, non nihil iuvare: considerando ea media, quibus ipsa voluntas tua contra hostes suos corroborari possit. Ut si quandoque contingat te propter aliquam tribulationem, gravi impatientia affici, adeo ut voluntas tua eam ferre aut dissimulare neque velit, neque posset: confessim suscipias sequentes cogitationes.

Primum nam adversitatem
hanc

hanc commerueris: & si inve-
nis te eam commeruisse, aut
causam ei dedisse; protinus
quiescas animo nec porrò turbe-
ris: quoniam æquum, ac iustum
est, ut vulnus, quod tuis ipse ma-
nibus tibi inflixisti, patienter
futineas.

Deinde. Si intelligis te ad-
versitati huic causam non de-
disse, tunc convertes oculos
mentis tuæ ad alia peccata tua,
ob quæ Deus te nondum pro me-
ritis castigavit, nec tu te ipsum
hactenus ut debueras, afflixisti.
Inde colliges: quod benignus ac
misericors Deus, tibi vel poenam
æternam, quam in inferno, vel tem-
porariam, quam in Purgatorio su-
stinere deberes: in hanc pater-
nam ac mitem castigationem
commutaverit. Proptereaque æ-

D3 qui.

quissimum esse, ut non solum placida mente sustineas, sed & pro tanto beneficio eidem gratias agas.

Tertiò, si tibi videbitur, te pro levibus peccatis satis magnam duramque pœnitentiam egisse: (quod tamen numquam apud te statueris iterum cogita, neminem in regnum cælorum posse intrare, nisi per angustam portam abnegationis sui ipsius, & patientiæ in variis tribulatiōnibus. Nam & Christus Dei filius, salvator noster omnesque Sancti Dei per hanc solam viam ingressi sunt in cælestem illum patriam.

Quartò, etiamsi posses per aliam viam intrare in regnum cælorum, tamen charitatis iure ac debito, istud nequaquam optare debes.

bes. Nam filius Dei, ex amore tui,
& propter patientiae exemplum
per spinas & crucem ingressus est
in gloriam suam.

Quintò apud te statues,
inter omnes meditationes,
quantumcumque pias, in quibus
te exerceri oporteat, ut voluntate
tuam in his, aliisque euentis
ac necessitatibus tuis quam optimè
confortes; hanc præcipuam
ferè esse, si cogites quantum
gaudium atque lætitiam capiat
Deus, quam celebre festum agat,
quam largo te prosequatur
amore: si te videat nomine,
suo tam strenue pugnare. Non
potest enim ipsi quidquam gratius
abs te fieri, quam si prava
in te desideria mortifices ac
radices, & è contrario virtutum
studia secteris idque propterea,

quia scias ipsius hanc esse voluntatem ac beneplacitum.

CAPUT IX.

De occasione pugnae non fugienda.

Dilecte fili, omnibus tibi à me hactenus propositis medijs ad consequendas virtutes, addo tanquam memoriale quodpiam, ne occasiones pugnae tibi occurrentes, metuas atque declines. Nam si virtutem quamquam (exempli loco, patientiam) consequi volueris: non expedit tibi, ut te segreges à personis: vel eas res (ut verba, opera, cogitationes repellas aut fugias) quæte ad impatientiam commovent. Non fugias, inquam sed potius optes; quæras, ames conversationem.

tionem ac societatem eorum, qui
tibi molestias afferunt. Et quo-
tiescunque tibi cum eis conver-
fandum est; præpara te, tuamque
voluntatem serua instructam at-
que paratam ad quaslibet tri-
bulationes atque molestias, quæ
ab eisdem tibi afferri poterant,
patienter suscipiendas sustinen-
dasque. Hoc ni feceris. numquam
assuescias ad consequendam pa-
tientiæ virtutem.

Similiter si te alicuius ope-
ris tæduerit, durumque nimis
videatur; propterea quòd vel per-
sona præcipiens tibi displiceat:
vel quòd opus ex feso molestum
sit; vel quod per illud ab ope-
re alio, quod faceres libentius,
impediaris) nullatenus tamen o-
pus istud intermittes, sed præ-
cæteris omnibus exequeris, e-

tiam si te plurimum conturbet
atque divexet. Tametsi etiam
eius intermissio te denuò quietum
placitumque reddat; nequaquam
tamen ab eo faciendo desistes.
Sic enim magis magisque instru-
ctus fies ad affequendam virtu-
tem patientiae. Illa enim quies,
quam tibi optas, non est recta
ac vera, eò quòd non profici-
atur à corde puro, & ab omni in-
ordinata passione libero.

Idem te moneo ac doceo de
cognitionibus, animum tuum
quandoque turbantibus ac con-
tristantibus. Videlicet, ne eas
umquam à te in totum repellas,
sed ut gratos hospites sedulò
custodias; quia per molestiam
quam afferunt hoc consequeris, ut
omnes adversitates æquo animo
sustineas. Qui te autem, fili mi,
docet

docet aliter, is te potius fuge-
re iubet in tribulationibus, quod
à te pugnando quæritur: illam
nempe virtutem, quam tu tibi ex
victoria de hostibus exoptas.

Cæterum tyroni seu novi-
tio in hac spirituali palæstra,
certamen hoc cum pravis cogi-
tationibus cautè subeundum est.
Proinde aliquando quidem pu-
gnabit cum ijs, aliquando ve-
rò assumet alias: quatenus scili-
cet has aut illas sibi plus mi-
nusue intelligit prodeesse ad ac-
quirendas virtutes.

Numquam eiusmodi mole-
stas cogitationes prorsus derelin-
quet aut fugiet: ut nihil inde
turbationis molestiæque in se sen-
tiat. Etiam si enim per fugam
earum, impatientiæ occasionem
præcidat; nullam tamen in cor-
de

de suo firmitudinem inde nanciseitur adversus impatientiae motus insurgentes. Quo fiet, ut alias à satellitibus impatientiae petitus ac territus facilè succumbat; quod sibi de armis ad præliandum adversus eosdem, non satis antea providit: id est, animum suum non imbuit cogitationibus, consilijsque servandæ in omnibus adversitatibus patientiae. Et hæc quidem pugna non solum contra impatientiam, sed contra quælibet vitia utiliter suscipitur, præterquam contra carnalia, de quibus inferius præcepta trademus.



CA-

C A P U T X.

De pugna adversus subitas tentationes, passionesque.

Qui necdum assuetus est subitas adversitates atque molestias placido vultu animoque susciperet; hoc ferè modo se assuefacere poterit. Neimpe si eas intellectu suo diligenter consideraverit voluntateque desideraverit experiiri; semperque eas instinctus atque paratus expectaverit.

Modus autem adversitates istiusmodi per intellectum considerandi hic ferè est. Attende diligenter statum, vocationemque tuam, locum quoque & personas, ubi & cum quibus te quotidie oportet conversari; sic cognosces facile quæ tibi evenire

E nire

nire possint, & quomodo animum tuum adversus ea corroborare debeas; ne inordinatè turbetur atque succumbat. Et si fortasse contingit alia tibi evenire quam putabas; præter istam animi tui corroborationem ad illa æquanimiter perferenda; quam tua præparatio modò causavit: Huiusmodi etiam ratione te poteris iuvare.

Statim atque videris vel audieris te contemni, aut molestia, adversitateque aliqua affici, etiam invitus mentem tuam eleva in Deum eiusque immensam bonitatem, dilectionemque erga te considera: sic intelliges, ipsum esse præcipuam causam huius turbationis, angustiæque tuæ, eamque propterea tibi immittere, ut doceat te eam propter amor

amorem sui patienter sustinere,
faciatque te sibi magis magis-
que appropinquare perfectiusque
uniri.

Posteaquam autem sic co-
gnoveris: esse divinæ Maiestatis
beneplacitum, ut calamitatem
istam placidè perferas: tunc con-
verte cogitationem tuam ad tei-
psum, incipiasque te arguere, di-
cens animæ tuæ: Eheu, cur hanc
abs te crucem abijcere contendis,
quam tibi non hic aut aliis ini-
micus homo: sed dilectissimus, opti-
mus que Pater tuus imposuit? His
dictis, verte animum ad præsen-
tem crucem seu calamitatem
tuam, eam saluta, lauda, ample-
xare, & quanta potes alacritate
& gaudio in te suscipe.

Quòd si etiam passiones ac
motus tam vehemētes in te exur-

gant, ut non sinant te mentem ad Deum elevare, sed & vulneraverint te, & iam nonnihil superaverint: nihilominus perseveres tu in proposito tuo, ac si nullatenus superatus es.

Verum inter alia remedia adversus subitas ac inexpectatas turbationes facilè præcipuum est, ut removeas abs te causas, è quibus istiusmodi tentationes existunt. Ut si animadvertis, te ob amorrem alicujus rei facilè commoveri animo, si ab ea consequenda impediaris; cura ut amorem hunc erga rem istam animo tuo excludas. Si autem turbatio, vexatioquè tua non ab ipsa re, sed à persona, quæ eam tibi infert, aut procurat, exoritur; eademque persona tibi tantopere invisa est, ut etiam minima quæ-

quæque ab ipsa profecta, te conturbent; tunc remedium erit optimum, ut te ipsum, seu voluntatem tuam ad eam amandam compellas.

CAPUT XI.

*De pugna contra carnem nostram,
eiusque prava desideria.*

Contra hoc genus vitiorum,
dilecte fili, novo quodam &
priori contrario modo tibi pu-
gnandum est: Sunt autem præci-
puè ac singulariter tria hic spe-
ctanda tempora: nimirum tem-
pus antecedens, concomitans, &
consequens ipsas tentationes.

Antequam ergo hujusmodi
carnales tentationes in te exur-
gant, numquam cum eis pugnam

fusciplieſ: Cauſas tamen ē quibus
oriri ſolent, diligenter vitabim &
abſcindes. Idecirco omnem con-
verſationem, quæ cū aliquā oc-
caſione ad has tentationes con-
iuncta eſt, fugias quantum poteris,
tametsi tibi videatur levifſima.
Non aſpicioſ hujusmodi homines
aut res alias lepidē, non faluta-
biſ eos amanter, neque manus
eorum comprimes: fed ſi quæ
tibi cū aliquā tali perſona tra-
ctanda ſunt; ea graviter, festinan-
terq; perages: nec diutius cū
ea conveſaberis, quām ſola ac
nuda neceſſitas poſtulat.

Poſthæc etiam vitabim otium:
ſemperque teipſum caute
obſervabis, nè quid cogites aut
ſacias, quod ſtatū tuum dedecet.

Tertiō obediens eris tuo
ſuperiori in omnibus, nè unquam
ei

et contradicas, sed facias quæcumque iufserit.

Quarto nunquam temerè iudicabis proximum tuum de hoc vitio: & licet ejus peccatum adeò manifestum sit: ut abs te non possit excusari; tamen condelebis ei, omnemque iracundiam & contemptum adversùs eum cohibebis: eiusque lapsum in tuam potius utilitatem convertes: videlicet teipsum humiliando, contemnendo, ac sub terram usque deprimendo: & pre timore contremiscens, Deum ardentissimè ora pro custodia, ne & tu similiter tenteris atque labaris. Si enim tu alios iudicaveris contempferisque, Deus te puniet magno tuo malo: videlicet permittendo, ut & tu in istud vitium prolabaris: indeque discas tuam

superbiam agnoscere, ac te humiliare: indeque cures superbiam istam in te supprimere, & excidere. Nam si superbus sis & non labaris, non leviter de salute tua dubitandum est.

Quintò ac ultimò attendas diligenter, si aliquando per sensibilem gratiam in te, spiritualem aliquam consolationem quæsiveris, obtinuerisque, nè in eā tibi placeas: neuè te inde meliorē iudices: nec putas te inimicos tuos deinceps non superaturos; sed semper solicitus esto & time, Tempore concomitante tuas tentationes debes attendere nūm proveniant à rebus exterioribus, an ab interioribus. In exterioribus numerantur conversatio, colloquia, lectiones, & studia, quæ ad hujusmodi tenta.

tentationes irritant. Contra quæ omnia non est præsentius, utiliusq; remedium quæam eorum intermissio ac fuga. Cum his enim temptationibus non est suscipiendum prælium sed longè fugiendæ sunt, nè mentem contaminent.

Interiores causæ existunt vel à corpore nostro, quod nimis vividum ac validum sit: vel à turpibus cogitationibus; quæ nunc à pravis motibus nostris, neglectaque sensuum custodia; nunc à diabolo in nobis. excitantur.

Causas quas corpus nostrum præbet ad carnis vitia, præcide-re oportet ieiuniis, ciliciis, vigiliis, castigationibus, aliisque mediis asperioribus; quatenus unicuique sua ratio dictat, aut superioris authoritas mandat vel indulget. E5 Con-

Contra cogitationes autem turpes non sunt media utiliora, quam oratio sancta, meditationes piae, labores atque negotiorum tractatio, quae statum tuum deceant. Meditationes autem tuas nolim te instituere de iis rebus, quas plerique in suis spirituallibus libris prescribunt volentibus haec vitia superare & excidere; nimirum ut initio consideres carnalium vitiorum turpitudinem atque libidinem, quae numquam queat exfatiari. Deinde grandem ignominiam atque pericula quae cum iisdem coniuncta sunt. Tandem amissionem famae, bonorum temporium, favoris ac benignitatis; Itemque divinae gratiae in praesenti & beatitudinis aeternae in vita futura. Tametsi enim

hujus-

hujusmodi meditationes bonæ
sint, non conferunt tamen ad ho-
rum vitiorum tentationes superan-
das. Nam cum omnium iudicio,
optimum statuatur contra hæc
vitia remedium, fuga: idcirco
fugere oportet quidquid ullam
præbet turpibus cogitationibus
occasione. At in istis, quas dixi,
meditationibus, utut intellectus
se fatiget pro his vitiis dete-
standis, tamen cogitationes de
iisdem interea infigit memoriæ;
ut vehementer timendum sit
ne labatur in aliquam earundem
delectationem.

Quamobrem insurgentibus
tentationibus horum vitiorum,
assume tibi potius meditationes
de passione ac morte Domini
nostrri Jesu Christi. Et si tenta-
tiones eæ te in his etiam me-
ditatio-

ditationibus, contra voluntatem
tuam infestent atque perturbent:
aut quomodocumque te contra
easdem armaveris; nihilomi-
nus semper novam tibi molesti-
am, deceptionemque intentent;
(quod tibi pariter ut aliis facile
poterit evenire) nequaquam ta-
men pusillanimis eris, aut susce-
ptas tuas bonas meditationes in-
termittes: neque etiam cum istis
te turbantibus cogitationibus ul-
lo modo contendas: sed constan-
ter pergas in meditationibus tuis,
& volitantes istas cogitationes
turpes quasi ad te nihil pertineat,
relinquas, atque exsibiles Hoc
enim unicum, optimumque re-
medium est, impuras istiusmo-
di cogitationes superandi quan-
tumcumque indesinenter te diue-
xent ac obruant. Et cave ne un-
quam

quam cùm illis disputes; an consenseris in eas? nec ne? quoniam latet in hac quidam diabolicus dolus, qui sub hac specie boni cupit te illaqueare & involuere. Quod alias, ubi fueris quietior, & hæ temptationes te molestare cesseraverint, cognoscere poteris facile à patre tuo spirituali, Cogitationes tamen istiusmodi tuas non intermittes tuo Confessario expressè confiteri: nec te ejus pudeat. Nam ad hostes nostros superandos valdè necessaria nobis est humilitas.

Quod attinet ad sanctam orationem; quæ pariter medium quoddam est contra hæc vitia carnalia, & alia; scire te oportet, elevationem mentis in Deum, esse utilissimam, semperque faciendam cum proposito orandi Deum

um pro victoria contra hos tuos hostes. Caveas verò, ne tentationes has, mentis tuæ cogitationibus coram Deo explices, quasi ostensurus ipsi quæ sit temptationum tuarum malitia & iniuria. Nam ex earum commemo ratione, facilis in delectationem de iisdem lapsus est. Et hæc modò tibi in cautelam sufficiant.

Cum temptationes carnales iam te deseruerint, nequaquam in animum induces tuum, deinceps te ab iis fore liberum atque securum; sed continuè tui curam habeas, ne quid eorum, quæ tibi ad easdem temptationes occasionem præbent, in animum tuum admittas: etiam si tibi forte videatur consultius cum iisdem mente pugnare, propter alicuius boni operis ac virtutis exercitium

tium. Nam in tali perfsione latent doli corruptæ naturæ nostræ & laquei diaboli ad involuendum animum, & pelliciendum ad aliquam delectationem,

CAPUT XII,

De pugna contra accidiam, negligentiā, pigritiam.

Dilecte fili, ut ab hoc pernicio-
so vitio tutior esse possis, o-
mnem tuam industriam, diligen-
tiam viresque impendas, ut bo-
nis inspirationibus locum apud
te prompta voluntate concedas,
omnemque terrenam consolati-
onem, curiositatē, & superflua
negotia, quæ tuo statui non con-
gruunt, declines.

Cumque pro eo qui in hoc
Ace-

Acediæ vitium lapsus est, non inveniatur remedium præsentius, quām operari bonum, à quo tam ipse, ut piger (qui molestiam ac fatigationem potius, quām fructum laboris considerat) omnino abhorreat: Idcirco bonum, illud sæpe mente versabit, sibi que planè persuadēbit unicam mentis elevationem in Deum, unicamque genuflexionem, propter nomen ipsius factam, maioris esse valoris, quām cunctos thesauros totius mundi. Fatigationem verò ac molestiam, cum labore coniunctam, adeò apud seipsum occultabit, ut longè minora, levioraque appareant, quām revera fuerint: Ut si tibi quandoque vacandum sit piis medita ionibus unica hora tota; idque tuæ pigritiæ nimis diuturnum,

num, atque molestum videatur:
pio dolo tuo corpori persvadeas,
tantum dimidiatum quadrantem
unius horæ te huic labori velle
tribuere, moxque cessare. Quæ
mora ubi transierit, iterum cor-
pori tuo persvadeas, ut paulò
diutius sustineat, tunc te cessa-
turum: idque toties repetas, do-
nec hora tota transierit, sicque
pigritiam tuam facile excuties.

Si autem in teipso experia-
ris corpus tuum laborem hujus-
modi ferre non posse; licebit ti-
bi eundem differre in aliud tem-
pus, donec paulatim afsvefeci-
ris corpus, ut maiori alacritate ac
fervore deinceps se ad istos pios
labores accommodet.



CA-

CAPUT XIII.

Quomodo sensualitatem suam homo
regere debeat.

Dilekte fili, hoc age quam atten-
tissime ut sensualitas tua,
per quam diabolus ingredi solet
in te, sit Ianua vera ac patens,
per quam ad te veniat Deus tu-
us. Et quando tibi cum aliqua
terrena creatura quidpiam nego-
tii est, noli eidem corde adhæ-
rescere sed leva oculum mentis
tuæ ad Deum tuum, qui in cre-
atura illa, tanquam in opere suo,
latet absconditus. Deinde exci-
ta in te quoque memoriam Dei,
& cogita quod idem ipse Deus,
etiam in te sit: atque tunc cum
ipso sic loqui incipias. O clemen-
tissime, sempiterneque Deus meus,

tu

tu mihi semper præsens ades, &
penitus quam ego mihi met ipsi
præsens sum: & ego non confundor
tam obliviosus & ingratus tibi esse,
ut tui nunquam meminerim: neque
te, ehet, diligam & colam ut debedo.

Alias quoque eleva intelle-
ctum tuum. & contemplare sum-
mam incomprehensibilemque per-
fectionem Dei, & lætare in bonis,
divitiis, beatitudine ipsius abun-
dantiis, quām si tua solius essent
omnia. Exulta quoque gaudio ma-
iori quod ipse sit Deus incom-
prehensibilis, cuius Maiestatem
pervestigare nequeas, quām si e-
andem comprehendere, intellige-
reque posses. Porrò si in creatu-
ra aliqua rationali observas quan-
dam perfectionem virtutum &
dona nonnulla, quæ ipsi à Deo
benignè donata sunt: (ut sapien-
tiam;

tiam, intellectum, pietatem, iustitiam, & similia;) non considerabis ea ut sunt in homine hoc, sed reducito ea ad Dominum Deum tuum & dic: *Deus meus, ecce hi sunt rivuli, qui ex te vero ac vivo, & eterno, increato fonte dimanantur: hæ sunt merces inexhausti maris bonitatis tue ineffabilis.*

Si autem te sentis ob pulchritudinem alicuius creaturæ ad complacentiam allici, protinus cogitationes tuas à terrena pulchritudinis specie eleva ad pulchritudinem cælestem, in eaque sola te oblecta & dic: *Deus meus, quando venient dies, ut in te solo queā delectari?*

Aliud remedium pro custodia ab inordinata delectatione in creaturis, sit hoc. Cum te sentis à re quaniam ad complacentiam, oblationemque allici,

con-

confestim cum intellectu tuo pondera quām dolosè infernalis serpens (qui nil aliud quærit quam ut animam tuam aut occidat, aut saltem lētaliter vulneret) sub ista oblectatione lateat absconditus. Proinde ubi hoc deprehenderis, audacter dicio: *Maledicte serpens, quām callidè hic lates absconditus, ut me tuō venenō inficias?* Et mox eleva mentem tuam ad Deum, dicens: *Benedicta sit bonitas Dei mei in æternum, quia mihi hostem hic latenter, animæque meæ dolosè insidiantem, tam benignè detexit.*

In rebus verò quæ sensuallitati tuæ adversantur, doloremquè afferunt, ita te ferè exercitabis. Ubi eidem tuæ sensuallitati durum quid perferendum occurrit (ut æstus, famæ, ægritudo;

do; plagæ & similia;) eleva men-
tem tuam ad voluntatem illam
æternam, cui ab æterno ita pla-
cuit, & à qua tunc quoquè decre-
tum fuit, ut tu hanc aut illam
calamitatem, hoc tempore & tan-
to cum dolore patereris, sicut
nunc pateris. Idcirco ex cordis
tui iucunditate apud teipsum hæc
dicito. O sempiterne, dilectissime-
què Domine Deus meus, iam tua
in me impletur voluntas, quā tibi
ab æterno placuit, ut hoc eodem
tempore, & talimodo, mensura, nu-
mero mihi evenirent, quæ nunc su-
stineo: atque id totum propter ho-
norem ac gloriam tuam, & ani-
mæ meæ salutem. Scio enim quod
numquam ea mihi evenire permis-
ses; nisi ad gloriam tuæ Majestatis
illustrandam, & meam salutem plu-
rimum conferrent.

Simi-

Similes quoquè cogitationes
tibi facies cælo turbido, pluvio,
niveo, & in quibuscumque alijs
tristibus eventis quæ ab homi-
nibus impediri non possunt. Si
quid verò legis quod te delectat,
itidem cogitationes tuas con-
vertas ad Dominum Deum tu-
um, in eoquè solo te oblectes.
Nimirum firmiter apud te sta-
tuas, ipsum sub ijsdem verbis,
quæ legis sese occultare, tibique
svaviter per ea loqui. Similiter
quoties in animo tuo cogitatus
alicuius complacentiæ ac delecta-
tionis, ex quacumque re vel actio-
ne bona excitatur; protinus con-
verte mentem in Deum, ipsum
què summa cum humilitate ac
reverentia adora: illudque bo-
num ab ipso solo profectum a-
gnoscens; toto corde ei pro eo-
dem gratias agas.

CA-

C A P U T XIV.

De ordine pugnandi cum hostibus
nostris.

JN pugna spirituali contra in-
ordinatos affectus, & quasli-
bet adversitates, huiusmodi ferè
ordo servabitur. Primum ingre-
dere cogitationibus tuis in ar-
chivum animæ tuæ, & diligen-
ter dispice, quinam affectus in
ea præcipue dominetur, & à qui-
bus cogitationibus & motibus
frequentiùs tentetur ac moleste-
tur. Dein vertas te contra illum
hostem, qui tibi plus molestia-
rum & periculorum affert, at-
que iam iam in te manus suas
mittit, ut obruat & perdat, ei-
què viriliter te oppone. Verumta-
men tempore quieto, cùm à nuk

lo hostium tentaris & affligeris,
 tu ipse provoca ad certamen
 hostes tuos; potissimum illos qui
 tibi præ cæteris molesti sunt,
 frequentiusque te decipiunt at-
 que turpius coram Deo confun-
 dunt.

CAPUT XV.

*Quid faciendum illi qui ab hostibus
 devictus, graviterque est lœsus.*

Si te contingat ex imbecillita-
 te, aliisque defectibus, adeo-
 què & nequitia, voluntateque
 mala, in aliquod vitium incide-
 re; protinus converte mentem tu-
 am ad Deum: & primùm quidem
 tuam ipsius vilitatem ad ani-
 mum revoca, tequè ipsum odio
 habeas. Deinde te recollige, &

F

denuò

denuò ad Deum conversus, ardentि corde confitearis & dic:
Domine Deus meus, ecce gessi me
qualis sum. Quid enim à me aliud
expetandum, quam fortes, lapsus,
atque peccata? Doleo, Deus meus
ex toto corde meo. Eheu, fateor,
quod multò deteriora perpetrassem,
graviusque lapsus fuisssem; nisi me
manus tuę immensa bonitatis sin-
gulariter custodivissent: pro quo
etiam tibi merito gratias ago, ha-
beoq; quam maximas. Tu domine
Deus meus age mecum secundum di-
vitias miserationum tuarum, ne per-
mittas me extra gratiam tuam vi-
vere, aut sanctissimam tuam Maie-
statem deinceps offendere.

Hæc ubi corde sincero effudi-
xi coram Deo, noli sollicitè co-
gitare; an tibi Deus peccatum
istud dimiserit? nec ne? quia hæc
curi-

curiositas sapit fœtidam animi
superbiam, & gravem diaboli la-
queum; reddit etiam te inquietum,
& tempus sine fructu con-
sumit. Ergo purè te ipsum pro-
ice in paterna brachia clementif-
simi Domini Dei tui: & resume
exercitationes pugnæ, ac si nun-
quam lapsus fuisses. Et licet u-
no die sæpius labaris, seu ab ho-
stibus tuis plura vulnera accipias:
nullatenus tamen desperabis aut
pusillanimis eris, aut tibi metu-
es: sed toties repete confveta
pugnæ tuæ exercitia sicut fecisti
in principio, primo, secundò, ter-
tiò, quartò, & quoties opus fu-
erit.

Hoc genus exercitationis
vehementer displicet diabolo,
quod sciat illud magnopere pla-
cere Deo: & ob id graviter ma-

chinatur, ut nos ad illud frequen-
tandum tepidos reddat. Tu verò
contra, hoc maiorem tibi vim
facies ad illud frequentandum,
quo videtur esse durius atque
molestius. Ideoque nec tædebit te
illud in quolibet lapsu, & a-
missa contra hostem victoria, a-
liquoties repetere. Et licet post
lapsum primum, vel alterum ac
tertium in te sentias gravem tur-
bationem, confusionem, diffiden-
tiam; tamen contende ante omni-
a, ut interiorem animæ quietem
recuperes, teque solum ad Do-
minum Deum tuum convertas.

Istam autem animi tui quietem
sic ferè comparare poteris, Facta
ad Deum conversione & depreca-
tione peccati contemplare ineffa-
bilem Dei tui dilectionem, qua de-
siderat summopere, ut te sibi uniat

&

& æternæ beatitudini's participem reddat. Hac autem contemplatione finita, & corde tuo in pia tranquillitate constituto, iterum verte cogitationes mentis tuæ ad lapsum tuum, & facito quod in huius capitinis initio docuit temporequè confessionis peccatorum (quæ sœpius facienda est) revolute omnes lapsus atquè defectus tuos, eosq; detege ac confitere simpliciter tuo Confessario.



CAPUT XVI.

Quod spiritualis homo semper debeat habere cor quietum ac lætum in Domino.

Dilekte fili, ut eor tuum in spirituali hac pugna, ab omni angustia ac perturbatione quietum servare pos sis; diligenter te ipsum observa, & fidelem tibi constituas speculatorem: qui cum aliquid quod te possit turbare, molestareque perspexerit: confessim signo datu te præmoneat, ut ad defensionem tempestivè te armare valeas.

Et si contingat (ut solet nimis saepe) te ex eventu improviso graviter turbari, protinus omnibus negotijs alijs sepositis, contendere, ut denuò quietum ac lætum

lætum eorū tibi conciliē. Quod
acceptō, rectius cætera prästare
poteris: quia animō turbato ac
inquieto nihil efficies: & diabo-
lus oecasionem inde sumit te
gravius tentandi. Quoniam ipse
huiusmodi sanctam animæ quie-
tem seu pacem vehementer me-
tuit, tanquam tabernaculum Dei,
in quo ipse multa mira operatur.
Propterea quoque pestiferā sua
astutiā non omittit nos etiam
sub specie boni decipere. Quoniam
fæpè in nobis excitat affectus ac-
desideria bona: fed oportet
eos, nè decipiari, ex fructibus
eorum diligenter dijudicare. Nam
cor inquietum reddent.

Quare cùm speculator tuus
tibi dat signum, adesse quendam
affectum bonum, qui cor tuum
eupiat inhabitare; cave: nè intro-

mittas eum prius, quam voluntatem tuam ab eius desiderio totam expoliaveris: eumque Deo supplici oratione obtuleris, simulque coram ipso tuam ignorantiam ac cæcitatem humillimè confitearis, & attentissimè ipsum invoces ac ores, ut lumen gratiæ suæ tibi benignè impertiat, ad cognoscendum & dijudicandum; an affectus hic bonus à gloriosissima sua Maiestate, an à re aliqua terrena proveniat?

Et semper esto memor subiugationis, mortificationisq; tuæ propriæ naturæ; priusquam ullum bonum affectum in te admittas, etiam à Deo immissum. Quia gratiora ei sunt opera, quæ ex voluntate tua piè mortificata proveniunt, quam quæ ex desiderijs tuæ vivide Naturæ feceris. Et

fæpe

sæpè plus placet Deo tuæ voluntatis mortificatio, quām ipsum opus bonum.

Sic expellendo vanos, pravosquè affectus tuos, nec bonos admittendo in animum tuum (quod etiam custodire debes) donec natura tua propria, cum omnibus suis affectibus ac desiderijs suppressa ac mortificata sit, semper quietus eris, & castrum eordis tui tutum ab hostibus conservabis, à crebrioribus reprehensionibus, & afflictionibus interioribus tui ipsius. Istæ enim non semper à Deo, sed & à diabolo quandoque fuggeruntur. Ex fructibus autem eorum cognosces, unde potissimum oriantur? Nam si eæ reprehensiones te humilem atquè quietum custodiunt, diligentioremquè in bonis operibus.

bus reddunt, piamquè in Deum
confidentiam non auferunt; tunc
eas suscipe tamquam à Deo in-
spiratas, qui sic ad ianuam cor-
dis tui interius pulsat, ut te-
ipsum discas cognoscere. Si au-
tem te inquietum, pusillanimem,
ad opera bona pigrum, & erga
Deum diffidentem reddunt; id-
què eo præcipuè tempore, quo
eadem interiores reprehensio-
nes, afflictionesquè in te fentis,
pro certo habeas; non à Deo, sed
à diabolo eas tibi suggestas esse.
Huiusmodi ergo nè admittas in
animum tuum, sed in tuis con-
fuetis pijs exercitationibus hila-
riter persistas, quasi nihil ifra-
rum suggestionum in te senferis.



CA-

CAPUT XVII.

Quod diabolus hominem sœpè per pia proposita decipiāt, & à profectu virtutum impedit.

PRæter hactenūs detectos dia-
boli dolos, etiam aliis hic de-
tegendus est: nimirum pium pro-
positum desideriumque pugnandi
contra præterita peccata gravio-
ra. Id enim propterea homini
fuggerit, ut dum in his animis
suum occupat, fuorum quotidiana-
norum peccatorum quibus tamen
vehementer oboxius est, obli-
scatur, nullamquè contra ea pu-
gnam fuscipiat. Qui autem suæ
salutis curam habere voluerit, de-
bet præcipue cum vitijs proxi-
mis certamen subire eaque vin-
cere & à se procul fugare. Quod
quia

quia, sāpē negligimus; sit: ut in
multa mala prolabamur; velut qui
nova semper accipiunt vulnera,
& nullam quærunt medicinam.
Nam huiusmodi proposita: pro-
factis reputantes in propriam
complacentiam & latentem super-
biā incidimus.

Unde cum nē verbum qui-
dem durum, nedūm verbera, pla-
cidō animō suscipere, perferre-
quē valeamus, sublimibus con-
templationibus vacamus, in ijsque
proponimus, etiam purgatorijs
pōeras, purē propter amorem
Dei patienter sustinere. Cūmque
ipsorum voluntas inferior sive
sensualitas, nihil quod molestum
sit dolore inque afferat, in se sen-
tiat: tantumquē ad futuras cala-
mitates respiciat, profectō valde
ineptē ac temerē sibi imaginan-
tur,

tur, se ex eorum esse numero,
qui summè patientes sint & ipso
facto multa gravia sustinere pro
Deo valeant.

Ut ergo, dilecte fili, dolum hunc
effugias, propone tibi, non solum
animō sed & ipso facto pugnare
cum proximis hostibus tuis, qui
& molesti tibi valde sunt, & ipso
opere adversantur. Inde facilē co-
gnoscetis, an illa proposita tua ve-
ra? an falsa? firma, an debilia sint?
Nec possum tibi ullō modō svade-
re; ut pugnare, contendas contra
hostes, qui te non infestant: nisi
certò deprehēdas, eos te brevi in-
vasuros. Sic enim tibi licet contra
eos pugnare priùs quām in tē ve-
niant, ut deinde in ipso confli-
ctu te sentias fortiorē. Nolim
tamen tibi ut persvadeas, te per
pugnam antecedentem, hostes

G

tuos

tuos iam superasse; nisi multo
iam tempore in virtutum studijs
exercitatus sis. Nam in hoc casu,
permissum est suscipere propo-
fita pugnandi contra peccata præ-
terita graviora. etiamsi levio-
ra nonnulla delicta, ex singulari
Dei providentia superare non
possimus, ut in humili agnitio-
ne propriæ imbecillitatis perma-
neamus.

Sed qui negligentes sunt in
superandis levioribus delictis, pu-
tantque se gravioribus facile
posse resistere: insigniter vani sunt
ac præsumptuosi, inciduntque in
laqueos diaboli.



C A P U T XVIII.

Quibus dolis diabolus nos à virtutum studijs abducere moliatur?

Utitur porrò diabolus alio quodam astu, ut nos in via virtutum ambulantes, abducat in devia. Id est, à virtute in vitium. Incidit quidam in morbum aliquem, quem patienter ferre desiderat; diabolus (ne si ita perseveret, virtutem patientiae consequatur) suggerit ei motus ac desideria huius vel illius boni operis faciendi, si sanitati restitueretur: quodquè Deo rectius, ac dignius servire, sibi suisquè, & pauperibus plura officia, beneficiaquè præstare possit sanus, quam infirmus. Et hæc desideria

in tali infirmo paulatim magis-
què accedit, donec eum pertæ-
sum & impatientem reddat in-
firmitatis suæ, quòd per eam ab
istis bonis faciendis impediatur.
Atquè hoc dolo eum, qui ad vir-
tutem patientiæ sese exercebat,
in impatientiæ vitium nequiter
præcipitat. Non sub ratione vitij,
sed impedimenti quô retardatur
ab executione bonorum operum in
quæ inordinate fertur.

Neque hoc satis sed pergit,
& eidem infirmo suggesta deside-
ria de bonis operibus, quæ fa-
nus facere posset, rursum dolosè
eximit, ipso etiam non adverten-
te: solumquè in eo desiderium
sanitatis recuperandæ relinquit:
aut si eam non propediem obti-
neat, in gravem tristitiam, & i-
psissimam labatur impatientiam.

Con-

SPIRITUALIS. III

Contra hunc ergo nefarij hostis dolum, deceptionemque remedium optimum est; ut in infirmitate, aut alia quacumque adversitate constitutus, sedulo carreas, ne motum, desideriumque in animum admittas ullum, quod non possis quam primum implere: alioqui reddet te solicitum ac inquietum.

Et attende diligenter, saepe eum qui labitur in impatientiam, non putare id ei accidere ex sua quam patitur adversitate, sed ex impeditione ab operum honorum exercitio, quae ex ea oritur, Proindequæ impatientiae suæ causam non resert in ipsam infirmitatem vel adversitatem, sed partim in seipsum, quod eam commoverit, & quasi accersiverit: partim in eos quibus molestus esse

G.3 debet

debet etiam invitus: partim de-
nique in omissionem spiritualium
exercitiorum.

Ita ambitiosus qui digni-
tates aut officia quæ ambit asse-
qui non valet; dieit se non sui
causâ conqueri & dolere, sed ob
necessitatem suorum cognato-
rum, quos iuvare debeat vel
similia. Quòd verò hi se deci-
piant; manifestum est ex eo, quòd
non ita turbantur, cùm aliis me-
diis & personis eisdem contingunt
effectus, qui eis molestiam affer-
re videbantur & sub quibus su-
um vitium occultabant.

Verbi gratia. Dicis infirmi-
tatem tuam te non reddere im-
patientem, quòd molesta sit tibi:
sed quòd graventur qui in ea
tibi ministrant. At si contingeret
easdem personas tibi ministran-
tes,

tes, etiam alijs infirmis ministrando gravari, parum te afficeret. Unde aperte deprehendis, non illorum molestationem, sed tuam ipsius cupiditatem esse causam impatientiae tuæ. In hunc modum etiam poteris dolos in alijs rebus ac negotijs tuis latentes facile deprehendere.

Quamobrem te hortor; ut cum tuam crucem patienter tollere possis, nullatenus ab ea liberari desideres; quoniam ex isto tuo desiderio, duo tibi grandia mala eveniunt. Alterum: quod auferat à te virtutem patientiae, aut saltem viam sternat ad impatientiam. Alterum: quod privet te meritò apud Deum, qui brevissimi temporis patientiam, cum propriæ tuæ voluntatis in ipsius Divinam voluntatem resignationem

coniunctam, in opus perfectæ patientiæ reputat.

In his ergo & alijs operibus, negotijs què tuis omnibus, hanc tibi regulam serva: ut cor tuum à desiderijs omnibus subtrahas atquè expurges, nihilque aliud petas, quam quod Divinæ voluntati placeat, idquè cum humilitate atquè simplicitate. Quò factò in nulla deinceps adversitate facile turbaberis: quòd nulla tibi accidere possit absquè beneplacito Divinæ Maiestatis. Atquè hæc faciens, numquam à via perfectionis aberrabis. Quando autem pro adversitate quam sustines pellenda, mediis quibüs-dam uti necesse est; sollicitè te observa, nè affectus cordis tui ijsdem adhærescat. Neve ijsdem utaris ut ab adversitate libereris:

ris; sed quia Deo sic placeat, ut his mediis utaris. Atquè tunc non turbaberis, etiamsi illa tibi non conducant ad liberationem ab adversitate.

C A P U T XIX.

Quomodo adversarius noster insidiosè molitatur, ut virtutes nostræ acquisitæ, nobis occasio sint ad ruinā.

Callidus ac pestifer ille serpens non intermittit nos etiam tentare per virtutes nostras acquisitas, ut fiant nobis occasio ad ruinam. Itaque molitur omnia, ut nos ad complacentiam & oblectationem in ijsdem inducat. Inde què in nobis metipsis elati, in grave crimen, superbiæ prolabamur.

Ut sis verò ab hoc pericu-
loso lapsu tutior, persiste sem-
per in aperto campo, & perse-
vera in vera, humili atquè sincera
meditatione vilitatis tuæ; consi-
derans quòd ex te ipso planè nihil
sis, nihil scias, nihil possis: nec
quidquam aliud in te ipso habeas
quam æternam damnationem.

Curabis quoquè sedulò, ut
cogitationes tuas omnes quæ te
à tui ipsius agnitione abstra-
hund, longe à te repellas. Cùm
enim istæ à manifestis hostibus
suggerantur; persuadeas tibi cer-
tò, nisi eas animo excluseris;
aut te prorsùs enecabunt, aut gra-
ve faltem vulnus animæ tuæ in-
fligent.

Quod ut verum esse intelli-
gas, hanc tibi trado regulam.
Contemplaturus vilitatem tuam,
non .

non vertes cogitatum tuum ad dona ac beneficia quæ in te sunt; quod ea non sint tua sed Dei: sed ad id quod tuum est, & tunc rectè iudicabis, quantus vel potius quam viliis sis. Sic autem id efficies: Cogita tempus quod te antecessit: & continuò deprehendes te ab æterno nihil prorsus suisse: nihilquè etiam te fecisse, nequè facere potuisse, ut vitam aut quamcumquè rem aliam consequereris. Si deinde cogitas tempus, quo aliquid esse cœpisti, intelliges pariter te hoc ex Dei solius pura dilectione, benignitatequè accepisse: quia ipse & creavit te & vitam tibi dedit, quam & ipse solus in te conservat; & cuncta quæ habes, scis ac possides. Itaque nè minimam guidem occasionem in teipso invenies,

venies, unde putas te aliquid
esse, aut pro aliquo præ cæteris
habendum.

Iam quod attinet ad sta-
tum tuum gratiæ & virtutes ad
benè operandum tibi datas: si
natura tua omnī divinō auxiliō
privetur nunquid quidquam boni
per se operari poterit? Si præ-
terea verteris cogitatum tuum
ad multa tua opera mala & pec-
cata, atquè ad alia peiora quæ
indubie perpetrasses, nisi Domi-
nus Deus noster dexterā suæ Di-
vinæ gratiæ te custodivisset, im-
pedivisset, abstraxisset, cognos-
ses facilè, impietatem tuam;
tum propter longitudinem tem-
poris, quô eidem immersus fuisti,
tum ob multitudinem iniquorum
factorum, pravarumquè affectio-
num tuarum; tam grandem esse,

ut nequè numerari, nequè verbis
exprimi possit; & ita quasi alter
Lucifer infernalis iam sis, aut
certè fieri potueris. Quamobrem
nisi velis esse fur aut sacrilegus,
qui Domino Deo sua bona fure-
tur, sibiquè attribuat, sed cupis
omnino esse ac haberi is qui
revera in te ipso es; iure debes
te ipsum de die in diem ac sem-
per deteriorem æstimare.

Attende tamen diligenter,
hanc agnitionem confessionemque
tuæ propriæ vilitatis coniunctam
esse debere cum iustitia: alioqui
tibi plus noceret, quam prodeffet.
Nam si in tali agnitione tui ipsius
superaveris aliquem, qui ob suam
cæcitatem se putet aliquid esse,
ac pro tali ab alijs haberri cupiat:
indequè velis; ut homines te ha-
beant pro aliquo, quem tu pri-

mùm perdidisti, & longè dete-
rior es illo. Propterea ut agni-
tio vilitatis, malitiæquè tuæ ve-
ra sit, tequè Deo acceptabilem
reddat, non solùm tu teipsum
vilem ac impium agnosces, sed
& talem te geres atquè tracta-
bis: & ab alijs pro tali haberi,
tractariquè desiderabis.

Et si quandoquè contingat,
ut propter aliquod bonum opus,
quod Dominus Deus per te di-
gnatus est operari, bonus habeas-
ris, ameris, lauderis; cautus esto,
nec te patiaris à prædicta agni-
tione verissimæ vilitatis tuæ ul-
latenus abduci: sed convertas te
in corde tuo ad Dominum De-
um, & dic: *Domine Deus meus, n̄e
permittas, ut in mentem mihi ve-
niat, furari tuam Divinam bonita-
tem.* Deinde vertas te ad illum
qui

qui te laudavit, & die intra te-
ipsum. Quid iste me bonum aesti-
mat, cum revera nemo bonus sit,
nisi solus Deus meus: Hæc si fece-
ris, verè Deo reddis quod ipsius
est, & te ad maiorem gratiam
accipiendam disponis.

C A P U T X X .

*Vt in pugna spirituali nunquam no-
bis blandiamur de hostibus devictis;
sed solitas nostras exercitationes
subinde iteremus, velut adhuc esse-
mus tyrones in hac spirituali
palæstra.*

Dilecte fili, præter universa
hactenus à me tibi dicta, unius
adhuc te admonere debeo: nem-
pe: ne tibi persuadeas umquam,
te passionum tuarum aliquam
peni-

penitus superasse; quod longo fortasse tempore, nullum illius motum in te senseris. Sed subinde renova tuas solitas exercitationes spirituales tanquam tyro, seu parvulus modo natus ad pugnam, qui in ea se ante haec numquam exercuit.

Quod quidem tunc maximè faciendum est, quando perfectiōnem eam, ad quam nos Deus vocavit, sectari volumnus. Quoniam tam copiofa ac sublimis ea est, ut numquam dicere possimus, quod vel prima faltem initia ad eandem in nobis posuerimus, præterquam quod nonnumquam vitium, ex deceptiōne latentis superbiæ nobis virtus esse videatur.



CA-

C A P U T X X I.

De Sancta Oratione-

Dilecte fili, hactenus, iuvante
Deo audivimus ac didicimus
de diffidentia sui ipsius, de con-
fidentia in Deo, & de exerci-
tatione. Quæ media tria nobis
necessaria sunt ad consequendam
victoriam adversus passiones ac
motus inordinatos sensualitatis
nostræ. Sequitur nunc quartum
medium eò necessarium, sancta
oratio: quæ inter cætera opti-
mum ac efficacissimum est, ad
obtinendum à benigna, largaque
manu Dei quodcumquè bonum.
Ut autem oratio tua grata &
efficax sit: has ferè conditiones
seu proprietates habebit sibi
iunctas.

Pri-

Prima: ut in corde tuo semper ardeat singulare desiderium, Domino Deo tuo ita serviendi ut ipsi quam maximè placuerit.

Secunda, ut sit in te vera ac constans fides, Dominum Deum daturum omnia, quæ ad ipsius cultum, & salutem tibi sint necessaria.

Tertia, ut ad S. orationem non aliò proposito accedas, quam ut Dei, non tua voluntas impleatur, idquè tam in petendo, quam in impetrando. Videlicet: nè te ad orandum quidquam aliud moveat, quam quod Deus velit; ut ores: neue ob aliam causam cupias exaudiri, quam quod ita placitum sit apud Deum. Breviter: totum tuum propositum erit, ut petas voluntatem tuam conformari cum vo-
lun-

luntate Dei: & nequaquam ten-
tes voluntatem Dei flectere se-
cundūm voluntatem tuam.

Quarta, ut oratio tua sem-
per iuncta sit cum cæteris su-
pradietis spiritualibns exercitijs,
ita; ut nullum sine altero fufci-
pias. Tametsi enim diu, mul-
tumquè Deum pro consequenda
aliqua virtute ores, & nullam
exercitationem pro eadem com-
paranda adhibeas; nihil aliud
agis, quam quod Deum tentas, &
nihil impetas. Postquam au-
tem oraveris ad Deum, mox
excita in te spem vivam atquè
constantem in ipsum, quod ex
ineffabili dilectione sua tibi peti-
tam gratiam seu donum, aut
aliud eō præstantius, vel utrum-
que simul datus sit, Et quam-
uam tam diu fortasse differat
dare,

dare, ut putas te nihil impetraturum: tamen hanc spem constanter in te retine: nec umquam orationem, aut exercitationem, aut fiduciam tuam propterea intermitte,

Quinetiam si tibi videatur, quod Deus te ab oratione repellet: nihilominus te ipsum magis magisquam ante conspectum eius humilia; simulque fidem ac spem in ipsum in te adauge & conforta. Nam quo frequentius, etiam in vehementi huius modi repulsa, ac manifesta quasi reprobatione orationis tuae, restiteris, spemque constantem conceperis; hoc quoque gratius obsequium præstabis Deo. Sed & semper gratias ages Deo, atque non minus sapientem, prudentem, benignum: amantemque tui; ipsum iudica-

tra indicabis, quando te ab ipso non
con exauditum arbitraris, atquè cùm
um obtines quod petisti. Itaque sem-
cita per esto constanti animo ac lœtō
pro quodcumquè tibi eveniat bonum
atu aut malum: humiliterquè te in-
pe fallibili sapientiæ, providentiæ
agi quæ divinæ submitte.

C A P U T XXII.

*De sensibili devotione, & contra-
ria ariditate ac derelictione fide-
lis animæ.*

Sensibilis devotio quandoquè
erit a naturali inclinatione
ad eam; quandoquè a diabolo, a-
lias ex Deo. A quo autem ho-
rum potissimum proveniat, ex
fructibus eius cognoscendum est.
Si enim inde non per moveris
ad

ad vitæ tuae emendationem: meritò dubitabis an ex diabolo, an verò ex naturali tua inclinazione orta sit? & quo maiorem ea in te fvoritatem conciliat, hoc amplior erit dubitandi ratio undènam orta est.

Cum ergo sentis animum tuum spirituali dulcedine repleti: nè disputes: unde profecta sit? sed nec eidem inhæreas, ac nullatenus ab agnitione propriæ tuæ pte vilitatis desistas: sed cor tuum ab omni eo cui adhærescit, vehementi spiritu abstrahas: nihil què aliud desideres unquam nisi solum Deum, eiusquè; divi- alii num beneplacitum. Ita fiet: ut neg momentaneæ istæ dulcedines tem non decipient, & si vel à natu- in rali inclinatione, aut à diabolo or- tæ sint, vertantur tibi in grati- am,

am, utilitatemq; non parvam af-
ferant.

Ariditas quoquè seu desola-
tio animæ oritur aut ex natura-
li defectu nostro, aut à diabolo,
aut à Deo. Et à diabolo quidem
immittitur, ut animam reddat te-
pidam frigidamquè, & á spirituali-
bus exercitijs, abstractam, ad
quærenda terrena solatia abdu-
cat. Ex nobis ipsis oritur, aut pro-
pter peccatorum admissorum me-
tum, aut ob tedium spiritualium
exercitiorum. Denique immittitur
à Deo, ut per eam nos excitet ad
maiorem diligentiam in spiritu-
alibus exercitijs, & à curis atque
negotijis, quæ non aut ad ipsum-
met Deum, aut ad ea, quæ nos
in ipsum dirigunt, referantur, ab-
sterreat: Indeque nos sibi arctius
uniat, pariterq; instruat, nec in
spiri-

spiritualibus quidem gaudijs si eveniunt; quiescendum, nequè ea appetenda, sed ex solo nos ipsius beneplacito pendere, vivere què debere, sicut ille qui dixit. *Dominus dedit, Dominus abstulit; sicut Domino placuit, ita factum est.*

Cum senseris ergo huiusmodi ariditatem animi tui, excita mentem tuam ad disquisitionem causæ, unde ea eveniat? Cognitâ causâ, adhibe prædicta arma, & pugna adversus eam: non tamen eō propositō, ut sensibilem illam gratiam denuò recuperes sed: ut abs te removeas quidquid oculis Divinæ Maiestatis displicet.

Adhæc: sedulò cures, nè in ariditate ista animæ tuæ, solita tua exercitia pietatis intermittas, sed maiori etiam dilig-

gen-

gentiā prosequi contendas. Et quamquam tibi videaris frustra laborare, tamen animō tranquillō ac promptō bibas hunc calicem desolationis tuę. Si etiam is usquè adeò crassis fæcibus turbatę mentis permixtus fit, ut quò te omnino vertas, planè ignores: nihilominus alacriter persevera solitarius atquè desertus sub Cruce Sancta; nec quære gaudium exterius, tametsi tibi à toto mundo, vel quacumquè creatura offeratur. Celare enim debes hanc crucem tuam omnes homines, præterquam tuum Patrem spiritualem, cui eam fideliter detegas; non tamen; ut ab eo aliquod impetres solatium, sed: ut te doceat, quid in hac tua ariditate facias iuxta beneplacitum Dei.

H

Porro

Porrò nec sacrâ Communio-
ne, nec oratione nequè aliò quo-
cumquè spirituali exercitiô hac
intentione utaris, ut in adver-
sitatibus tuis aliquam mitiga-
tionem aut consolationem ac-
cipias: sed dumtaxat eò, ut ro-
bur spiritûs à Deo accipias, ut
crucem tuam hanc patienter su-
stinere possis, Etsi quāndoquè ob-
mentis turbationem aut distra-
ctionem, non poteris commodè
Intellectu tuo uti ad meditatio-
nes: tantum habeas ac conser-
ves in te voluntatem bonam id
faciendi: & adhibe superiùs nota-
tas iaculatorias oratiunculas, seu
repentinas elevationes mentis
in Deum.

Utilius tamen tibi est, hanc
crucem aridæ mentis cum hu-
militate & multa patientia suf-
ferre,

ferre. Quidquid enim feceris aut sustinueris pro honore Dei, optima apud ipsum oratio est. Sed & in hoc verè devotus eris; quoniam vera devotio nihil est aliud, quam cor promptum Christum Dominum nostrum, imposita humeris nostris sancta cruce, sequendi quocumquè & quacumquè viâ voluerit: ita; ut Deum solum habeat pro Deo: & quandoquè Deo, propter Deum renuntiet.

Si ergo homines, præfertim religiosi & mulieres, suam in vita spirituali ac pia devotione profectum, iuxta hanc regulam (& non iuxta sensibilem devotionem in qua propè omne studium ponunt) examinarent; haud dubiè non tam ingrati, sine omni utilitate abuterentur sen-

sibili devotione ac dulcedine,
quam Deus ipsis propterea lar-
gitus est, ut maiori zelō dein-
ceps se dederent suæ Divinæ vo-
luntati, qui tantummodo propter
salutem nostram operatus est u-
niversa.

Quamobrem plurimi se-
ipsoſ decipiunt, qui cùm ab im-
puris abominabilibusquè cogita-
tionibus obruuntur, protinus pu-
ſillanimes fiunt graviterquè si-
bi timent, tamquām à Deo de-
reliicti: arbitrantes impossibile
effe, ut Deus cum ſuo ſpiritu
in mente ſic turbata & obnubi-
lata habitet, Atquè in his cogi-
tationibus ſemet ita involvunt, ut
paulatim in gravem ſui ipſorum
duplicientiam, ac quandam velut
desperationem incident, Quod
cum intra ſe deprehendunt; con-
festim

festim ad solitas accurrunt exercitationes, ut quietam mentem recuperent. Sed ne sciant se in hoc esse ingratos Deo, qui huiusmodi turbationes in ipsis ideò fieri permisit, ut ad agnitionem propriæ vilitatis permoverentur: indequè ut miseræ, fragiles, defolatæ creaturæ, ad ipsum gloriofissimum Dominum Deum, Conditorem suum ardentius, diligentiusque confugerent.

Itaque, fili, in huiusmodi adversitate constitutus, hoc solum facito: meditare de tua ipsius vilitate, in eaquè meditatione te ipsum humilia, tuosque pravos affectus intimè considera. Hos namquè Deus in te esse, permisit, ut dignosceres quām proclivis ex teipso sis ad omne genus vitiorum: quodquè fine Di-

vina custodia, auxilio, defensio-
ne, continuè ijfdem profundius
immergaris.

Deinde quoquè apud te
ipsum concipe spem bonam ac
fiduciam in Dominum Deum tu-
um; eò quod videas ac sentias,
ipsum solum permisso te labi
in hanc gravem adversitatem, ut
occasionem acciperes ad ipsum
per humilem invocationem, ora-
tionemquè appropinquandi. Pro-
pterea & ipsi mox gratias agito
pro huiusmodi perturbationibus:
habeasquè pro certo, pravas quas-
què cogitationes citius depelli
mansveta patientia, quam solici-
tō studiō eas repellendi.



CA-

C A P U T XXIII.

De gratiarum actione.

Universa quæ facimus bona,
à Deo proveniunt, & ipsius
sunt: Idcirco & ipsi soli gratias
agere debemus pro omnibus spi-
ritualibus exercitijs, & pro obten-
ta victoria contra hostes nostros:
quemadmodum quoquè pro reli-
quis beneficijs omnibus, quæ aut
nobis solis benignè contulit, aut
sunt nobis cum alijs communia.

Ut autem & hoc legitimè
præstare possis, memineris præci-
puam causam, cur Omnipotens
Deus sua nobis dona benignè
conferat, hanc esse; ut ipsi piè,
rectè ac dignè agamus gratias.
Cumquè is ipse Dominus Deus
noster in beneficiorum omnium

larginione, prius ac potius suum
spectet honorem: deinde utilita-
tem nostram; idcirco & tu in-
omnibus acceptis beneficijs agno-
sces primò ipsius Dei Omnipo-
tentiam, & immensam bonita-
tem, quæ in cunctis eius benefi-
cijs gloriösè relucent.

Dein meditare nihil in te
esse dignum tantis Dei beneficijs:
sed tua omnia esse ingratitudi-
nem, misericordiam, extremamquæ vi-
llitatem. Tandem ergo exhibe te
obedientem suæ Divinæ voluntati,
& stude implere, quæ per ista
beneficia Deus abs te postulat:
videlicet; ut ipsum præcipue ar-
mes, ipsiquæ diligenter servias,
& te totum liberè offeras ac de-
das: sicut iam pleniūs docebo.

C A P U T XXIV.

De perfecta sui ipsius oblatione.

Post gratiarum actionem pro beneficijs acceptis statim prorumpit anima in dulcem illum affectum Davidis: *Quid retribuam Domino pro omnibus quæ retribuit mihi?* Ut ergo quadamtenus fatisfacere possis, offrendo Deo tuo totum id quod es, habes, aut potes, idquè ex integra, plenissimaquè voluntate, & efficaci actu interioris hominis.

Considèra primò profunda attentione magnitudinem, & Majestatem Dei tui (ab hac enim consideratione pendet perfecta sui ipsius oblatio) & invenies magnitudini eius deberi reverentiam, & timorem; Bonitati verò

amorem; Misericordiæ autem eius spem, & fiduciam; atque ita de reliquo eius perfectionibus, & attributis: Et congratulaberis eidem Deo tuo, quod sit id quod est, nimirum optimus, maximus, sapientissimus, sanctissimus, omnipotens, infinitus, quodquæ omnia habeat quæ habet; compluresque actus amorosæ huius complacentiæ intus in corde tuo multiplicabis.

Deinde, profundissimâ reverentiâ flectes genua cordis tui, totumquæ corpus inclinabis Deo tuo, ipsum adorans, & tamquam supremum Dominum agnoscens omnium creaturarum; Specialius autem considera, quia totum quod es per naturam, & per gratiam, ipsius est proprium: quam ipse solus totum hoc tibi

cō-

eoncessit, & solus hoc in te conferuat; hinc enim semper te debitorem agnoscet, quantumvis magna ipsi offeras: siquidem nihil poteris illi dare, quod non sit ipsius & ab ipso prius tibi donatum; cuius dominium non potest amittere, etiam tum, cum in te transtulerit.

Tertiò. Ab illa cogitatione accede statim ad oblationem, & hilariter, ac reverenter trade manus Dei tui quidquid habes aut potes ipsi offerre; omnia scilicet quæ ipse tibi prius dedit, atquè ita te ipsum restitues Deo tuo in perpetuam servitutem, ut de te statuat quidquid voluerit, sive in tempore, sive in æternitate. Nec solùm generatim offeres Deo tuo radicem, ac principium omniū cogitationum, loquuntio

quutionum, & actionum tuarum:
Sed sigillatim eas omnes (quas
ratione tui statūs exercere tene-
ris) offeres in honorem & glo-
riam sanctissimi Nominis eius.

Ultimò unies, & coniunges
hanc tuipsius, rerumquè tuarum
oblationem cum meritis dul-
cissimi Sponsi animæ tuæ JESU
Christi, ut ab ipso valorem &
preium accipiat, quoniam à te
ipso solo nullum habere possunt.
Consummabis igitur oblationem
tuam, simul cum teipso offerens
æterno Patri merita unigeniti Fi-
lij eius, omnesquè labores, quos
exantavit ab ipso præsepi usque
ad Crucem. Omnia enim quæ
ille egit & passus est, tuæ sunt
opes, tuæ divitiæ, quas ille mo-
riens testamento suo tibi reliquit
tamquam hæredi meritorum suo-
rum.

Tum. Memineris autem hæc o-
nnia non pro teipso dumtaxat
offerre: Sed etiam pro universa
Ecclæsia, & membris illius: sic
enim acceptabilior erit Deo obla-
tio tua charitatis incenso sociata.

Similiter cum iejunia, ora-
tiones, aliaque opera bona Deo
offerre volueris; considera pri-
mùm quòd Filius Dei, ista ope-
ra tua una cum suis antea ob-
tulerit Deo, & sic utraque con-
funxerit atquè univerit: quamob-
rem & tu eadem sic offeras ac
dones cælesti Patri. Inde nam-
què intelliges oblationes tuas è
purò ac sincero corde proficisci.
Et si tempore tribulationis hu-
ijsmodi oblationes feceris; per-
facile omnem angustiam, dolo-
rem, miseriam atquè pericula su-
perabis, & Dei voluntatem re-
ftissimè implebis. I Si

Si verò Christi Domini nostri opera cælesti Patri suo prodelictis tuis offerre volueris, sic te geres. Principio aliquantulum considera peccata tua, & ubi cognoveris te cælestis Patris iram per teipsum sedare eiusquè iustitiae satisfacere non posse; accurre ad vitam, passionem & mortem Christi Domini nostri & unum aliquid ex ipsis, vitæ aut passionis meditare. Videlicet, quomodo ipse iejunaverit, aut oraverit; aut sanguinem fuderit; tunc intelliges quomodo ipsemet Christus, tale opus, seu dolorem suum pro peccatis tuis, ad reconciliandum Deum tibi, obtulerit, dicens: O mi cælestis Pater, iam plenè satisfacio tuæ Divinæ iustitiae pro peccatis huius servi tui N. S. oro tuam Divinissimam Majestatem

tem ut parcas ei, & assumas eum
in consortium Electorum tuorum.
In hac autem meditatione etiam
& tu offeras cælesti Patri istam
oblationem unigeniti Filij eius
ipsumquè pro te & alijs homi-
nibus ora, ut propter oblationem
hanc ac Nominis sui gloriam be-
nigne tibi & alijs condonet pec-
cata vestra. Eandem spiritualem
exercitationem utiliter facere po-
teris in quolibet opere ac my-
sterio, quod Christus Dominus no-
ster in hac vita operatus est.

C A P U T X X V

De petitione gratiæ.

POstquam æterno Patri obtu-
leris pretiosissimum thesau-
rum sanguinis, & meritorum
Iz Chri

Christi: confidenter poteris ab ipso postulare, quæcumquæ fuerint necessaria: sed ut hoc decentius præstes.

Primò excita in teipso fiduciam ex recordatione summorum beneficiorum quæ à liberaли manu Dei acceperisti. Nihil enim maiorem fiduciam præstat nova beneficia impetrandi, quam illius immensæ recordatio liberalitatis, quæ Deus in necessitatibus præteritis tibi succurrerit: ab ista autem fiducia pendet tota petitionis tuæ efficacia, & sine ea nihil potest à Deo obtineri.

Secundò: Cura diligenter ut hanc fiduciam summa comitetur humilitas; ita ut paucitati, & parvitati meritorum tuorum diffidas. benignitati autem, & liberalitati Dei meritisque dulcissimi

mi Sponsi tui Christi magna-
niter innitaris. Nec tamen præ-
humilitatis specie fias pusillani-
mis & formidolosus, nec gran-
dia beneficia à Deo postulare me-
tuas: quamvis enim æquum sit
miseriam tuam agnoscere, &
quam parum aut nihil merearis;
non est tamen desperandum de
Divina bonitate, nec tenuiter aut
viliter de eius largitate sentien-
dum; non est despontendus ani-
mus, quia si parum merearis,
tanto meliorem occasionem a-
deptus es multa petendi dona
enim Dei non fundantur in tuis
meritis, sed in meritis Christi,
quæ sunt infiniti, valoris & di-
gnitatis.

Tertiò conare petitionem
tuam crebris, fervorosissquè defi-
derijs sociare: nempe, ut ardenter

desideres obtinere quod petis:
quoniam enim à pientissimo Pa-
tre quæ tibi necessaria sunt, po-
stulas, quiquè non solum iubet ut
petas magna, sed etiam irascitur
si non petas, & pollicetur datu-
rum se quæcumquè petieris: non
desint tibi flammigera desideria
obtinendi ea; quæ à tam liberali
Patre postulas. Plerumquè enim
ideo non obtinemus quod peti-
mus, quia non magnoperè desi-
deramus obtinere: sed petimus
solum tepida voluntate, quia ra-
tio & fides dictat esse necessaria
quæ petimus, non quia multum
cupiamus ea à Deo accipere. Cu-
ius rei causa est, quia affectum
voluntatis in terrenis figentes,
quæ in electu contemnimus, vo-
luntate magni facimus: atquè
ita; licet iudicemus, animum esse
ad

ad altiora elevandum, non tamen cupimus ab eis separari. Quod si illud vehementer & veraciter, ac ex animo desideraremus, statim petitiones nostræ effectum fortirentur.

Tandem curandum tibi est, nè petitioni tuæ desit: 1. affectus charitatis erga proximos: non enim sufficere tibi debet quòd pro teipso ferventer petas, sed erga alios omnes affectum obtinendi Divinam gratiam extende. 2. non desit perseverantia, solet enim Deus differre, & prolongare petitionis nostræ adimplectionem; ad maiorem utilitatem nostram, utquè in nobis crescant magisquè serveant sancta desideria sicut in Chananea, & vidua Evangelica contigit. 3. non desit resignatio propriæ vo-

luntatis, quatenus ita desideria
cordis tui Deo repræsentes, ut
magis in eis Divinæ voluntatis,
quam tuæ beneplacitum expectes
sicut Christus in horto petijt,
non ut fieret voluntas sua sed
eterni Patris filii,

CAUTELÆ QUÆDAM.

I. **N**on permittas intellectum
curiosè considerationes al-
tas, aut delicatas prosequi;
sed eatenus. solum discursu e-
ius utere, quatenus sufficiat
ad inflammamendam voluntatem,
piosquè in ea affectus, & bo-
na proposita exitanda. Ideo-
què ex omni consideratione af-
fectum elice, ex omni affectu
sanctum aliquod propositum de-
terminatè, & particulariter e-
ducito.

ducito; ut scilicet, hoc vel illud eo die in honorem Dei facias, hoc vel illud vitium emendes, in hac vel illa re te ipsum mortifices. Hic enim omnis fructus est orationis.

2. Peracta Oratione, paulisper te ipsum examina, quomodo te inter orandum gesseris & si benè, gratias agas Deo, si negligenter, proponas emendare, & notes causam cur malè succeſſerit, ut ab ea in posterum caveas.

3. Ut omnia haec tenus tradita, studiosissimè mediteris. Per diligentem enim meditationem, & continuam exercitationem, magnum robur spiritus tibi certò conciliabis ad superandos, profligandoſquè cunctos hostes tuos.

Unusquisque ergo apud se ipsum

ipsum statuat, se proposita hac-
tenus arma in manus sumere,
contraquè hostes suos strenuè,
viriliter constanterquè dimicare
velle. Pugna enim hæc eiusmo-
di est, ut nullus hominum eam
possit subterfugere, sed singulis
quibusquè omnino pugnandum
sit. Qui enim non pugnat, hic
perpetuò vixtus, mortuusquè ia-
cebit, quicumquè fuerit.

Sed nec ulla spes est Pa-
cis, quamdiu nobis cum his ho-
stibus negotia sunt: & quidem
omnium maximè nocent his, qui
cum eis pacifice vivere, & quas-
dam velut inducias pacisci vo-
luerint. Tu ergo eos, quantum-
libet potentes, & truculenti sue-
rint, nè timeas: quia omnis eo-
rum potentia, ac impetus, est
in manibus supremi Ducis mili-
tia

tiæ Christi Domini nostri, propter quem tu pugnam hanc subi-
jsti. Ob idquè nemo in hac pu-
gna superatur, nisi sponte sua vo-
luerit.

Nec te terreat, aut pusilla-
nimem reddat, quod Dominus
Deus tuus propter quem pugnam
hanc ingressus es, suum auxi-
lium ad vincendum hostem, non
numquam diutiùs differat. Cer-
tissimè enim tibi persuadere de-
bes, ipsum Deum, ob summam
bonitatem, & omnipotentiam su-
am, omnia, quæ nobis suis mi-
litibus in quibuscumquè rebus,
negotiisquè eveniunt; præsertim
incommoda, adversaque in no-
stram utilitatem dirigere, & ut
in optatissimum finem exeant,
benignè providere.

Hæc meditatio generabit in
te

te cor excelsum, ac constans ad pugnam. Proindequè etiamsi vitoria, nonnumquam sequatur tardius, aut diutius differatur; credas firmiter, id propterea fieri, ut latens intra te superbia excludatur, utquè humilis fias, ac maneas: Vel: ut in virtutibus continuè magis, magisque proficias, & miles tandem exercitatus reddaris. Nam per varias, continuasque pugnas homo exercetur, multum què proficit in arte pugnandi: aut faltem obtinet aliud quoddam bonum, quod Deus in utilitatem eius benignè, sapienterque aliquandiu occultat.

Propterea, dilecte fili, alaceri, & heroicō animō ingredere hanc pugnam; nè sis ingratus Domino Deo tuo, qui tantoperè dílexit

Iexit te, ut seipsum propter te,
in mortem tradiderit. Et atten-
de diligenter ad omnem volun-
tatem, omniaquè mandata ipsius,
ut & omnes ad unum hostes
tuos penitus extirpes, atquè
profliges. Quamdiu enim uni-
cum ex ipsis vivere sines, erit
tibi festuca in oculo, & in la-
tere lancea, quæ te à glorio-
sa victoria semper impedian.

4. Si in examine aliquando
invenias non ita multa suisse er-
rata tua, ut inde ad dolorem,
aut pudorem movearis: totum
hoc acceptum feras Divinæ mi-
sericordiæ, non tuæ diligentia,
aut virtuti; & revoces ad memo-
riam anteactæ vitæ, peccata; &
cogites aliorum in sæculo lapsus,
quibus multò fædius, lapsus fu-
isses, nisi DEUS te divinâ gra-
tiâ

156 PUGNA SPIRITU:

tiâ suâ ultra omne meritum tu-
um, imò cum multis demeritis
tuis prævenifset.

F I N I S.



ER-



ERRATA SIC CORRIGE.

F. 1. v. 3. pro ly: perfectonis *le-*
ge perfectionis. v. 4. pro ly: upiti
lege uniri

F. 5. v. pro ly: Communinio-
ne. *lege*: Communione. v. 16. pro
ly: comendata *leg*: commendata.

F. 10. v. 4. pro ly: affectumq;
leg: affectuumq;

F. 12. v. 15. pro ly: nenle-
ctis. *leg*: neglectis.

F. 13. v. 8. pro ly mortifico-
tione *leg*: mortificatione.

F. 19. v. 17. pro ly: ab hostibus
leg: de hostibus.

F. 26. v. 18. pro ly: pio *leg*: pio.
F.

¶(+)¶

F. 30. v. ult pro ly: feciendum.
leg: faciendum.

F. 32. v. 19, pro ly: aliorum.
leg: aliarum.

F. 45. v. 4. pro ly: sensualitas
leg: sensualitas. v. 20. pro ly: se-
nualitatis leg: sensualitatis.

F. 96. v. 5. pro ly: expectandum.
leg: expectandum.

F. 133. v. 15. pro ly: suam leg:
suum.





REIMPRIMATUR.

Datum Cracoviæ in Pala-
tio Episcopali Die 5. Martij
Annò 1780.

JOSEPHUS
OLECHOWSKI
ARCHIDIACONUS Cathedra-
lis Cracoviensis, AUDITOR
& JUDEX GENERALIS.

mpp.



¶

J N D E X

C A P I T U M.



Pagina.

CAPUT I. *Quibus in rebus Perfectio Christiana consistat: & de quatuor ad eam obtinendam necessariis.* I.

CAPUT II. *De diffidentia sui ipsius.* - - - - - 14.

CAPUT III. *De Confidencia in DEO.* - - - 18.
CA-



CAPUT IV. *De exercitatione:* Et primùm de intellectu,
Et quomodo ab ignorantia Et curiositate custodiendus sit? 26.

CAPUT V. *De Voluntate:*
de quæ fine in quem omnes actiones nostras debemus dirigere. - - - - - 36.

CAPUT VI. *De duplice voluntate in homine:* Et earum continua inter se pugna. 43.

CAPUT VII. *De pugna contra affectus sensualitatis: deq; interiori exercitatio ne voluntatis ad comparandas virtutes.* - - - - - 49.



CAPUT VIII. Quid faciat, cui videbitur superior voluntas sua seu ratio ab inferiori voluntate seu sensualitate, jam devicta, eidemque omnino subjecta. - - - 59.

CAPUT IX. De occasione pugnae non fugienda. - 66.

CAPUT X. De pugna adversus subitas tentationes, passionesque. - - - - 71.

CAPUT XI. De pugna contra carnem nostram ejusque prava desideria. - - - 75.

CAPUT XII. De pugna con-



contra acediam, negligentiam,
pigritiam. - - - - 85.

CAPUT XIII. Quomodo
sensualitatem suam homo re-
gere debeat. - - - - 88.

CAPUT XIV. De ordine pu-
gnandi cum hostibus nostris 94.

CAPUT XV. Quid facien-
dum illi, qui ab hostibus de-
victus graviterque est Iae-
sus? - - - - 95.

CAPUT XVI. Quod spiri-
tualis homo semper debeat ha-
bere cor quietum ac laetum
in Domino. - - - - 100.

CA.

XXX

CAPUT XVII. Quod diabolus hominem sàpè per pia proposita deapiat, & à profectu virtutum impedit. 105.

CAPUT XVIII. Quibus do- lis diabolus nos à virtutum studiis abducere moliatur? 109

CAPUT XIX. Quomodo aduersarius noster insidiosè moliatur, ut virtutes nostræ acquisitæ nobis occasio sint ad ruinam. - - - - - 115.

CAPUT XX. Ut in pugna spirituali numquam nobis blandiamur de hostibus viciis



victis: sed solitas nostras
exercitationes subinde itere-
mus, velut adhuc essemus ty-
rones in hac Spirituali pa-
stra. - - - 121.

CAPUT XXI. De Sancta
Oratione. - - - - 123.

CAPUT XXII. De sensibili de-
votione, & contraria aridita-
te ac derelictione fidelis ani-
mæ, - - - - 127.

CAPUT XXIII. De gra-
tiarum actione. - - 137.

CAPUT. XXIV. De per-
fetta sui ipsius oblatione. 139.

CA-



CAPUT XXV. De petitio-
ne Gratiae. - - - - 145.

CAUTELÆ QUÆDAM 150.




Vluyet.

Admirandus ista

ist de falso


10



1789

510

V. Auer.



768308 Bibliotheca
P.P. Camaldulensium in Bielany

4500 PLN

Depozyt w Bibliotece Jagiellońskiej



05614

G.I. 45

Numer

Pomeindah 22 Marca 844.

Przewielebowy fizie Preorre Dobrodzien.

Pomeirah 22 March 844.

Przewlebny figie Przeorre Dobrodzicju.

Pom.

FRIZ

Numer

biezacy
dawnego
imwentarza



U. S. G. S. Geodetic Survey
Circular 100